


中
州
集

五



中州辛集第八

邢內翰具瞻一首

王太常給一首

王禮部發一首

杜佺一首

趙轉運元勳一首

李寧州之翰一首

三興居士一首

楊興宗一首

趙亮功一首

賈泳一首

元日能一首

范墀一首

王雄州仲通一首

韓內翰汝嘉一首

王吏部啓一首

晁洗馬會一首

王內翰遵古一首

王汾州璠一首

李特進獻可一首

雷溪先生魏道明一首

學易先生雷思一首

王大尹脩一首

高工部有鄰一首

宋孟州揖一首

高轉運德喬一首

路冀州仲顯一首

張代州大節一首

趙轉運怒一首

郭祕監長倩一首

郭錄事用中一首

趙太常之傑一首

趙轉運鼎一首

田轉運特秀一首

靖漕副文昌一首

路轉運忱一首

高密州公振一首

張轉運毅一首

宗御史端修一首

張戶部翰一首

四州八

八

李好復一首

楊祕監邦基一首

呂陳州子羽一首

趙益部文昌一首

韓內翰王一首

王都運擴一首

趙吏部伯成一首

梁錄事仲新一首

盧待制元一首

太常御史抹世勳一首

范滑州中一首

趙禮部思文一首

李坊州芳一首

劉鄆縣昂一首

錦峰王仲元一首

盧宜陽洵一首

刁涇州白一首

劉戶部光謙一首

毛提舉端卿一首

康司農錫一首

張戶部德直一首

馮辰一首

王北昌一首

李宜陽過庭一首

田錫一首

張介一首

龐漢一首

宋景蕭一首

李警院天翼一首

張參議澄一首

劉神童微一首

郭宣道一首

張仲宣一首

胡汲一首

王修齡一首

別起 邢內翰具瞻

具瞻字嵩夫遼西人天會二年進士與吳蔡為文章友仕至翰林特制

出塞

樓外青山半夕陽寒鴉翻墨點林霜正沙細草三千里一笛西風人斷腸

王太常繪

繪字質夫濟南人天會二年進士武陟道中詩云梧葉重勝迎日露華秋薄更護霜雲人頗稱之仕至太常卿有注太白詩行於世

江天秋晚圖

萬頃波閒踏浪兒蕭相秋晚遊歸時四山紅葉風聲律散入儂家效乃詞

王禮部贊

魏字無辨安陽人宋末登科仕國朝至禮部尚書兼翰林學士承旨年六十四大定四年卒無競善作大字字或廣長丈餘而結密如小楷京都宮殿題榜皆其筆趙禮部以為古今第一手唯覺篆差可配耳一孫名道通字彥深今為黃冠師

奉使江左讀同官蕭顯之西湖行記因題其後

雲煙濃淡費臨摹行記看來即畫圖雲夢不妨吞八九筆頭滴了西湖

杜佳

佳字真卿武功人宋末有詩名於閩中兒時嘗作藥名詩有杜仲吾家好

中州八

二

弟兄自然同姓又同名之句及以五言百韻上乾州通判馬洎洎大加賞異阜昌中登科蒞官亦有聲馬鬼太真墓過客多題其詩甚多道陵詔錄其詩得五百餘首付詞臣弟之真卿詩在高等舊有錦溪集亂後不復見矣子師揚亦能詩尤工書翰奉天揚煥然云然

馬嵬道中

垂柳陰陰水拍堤春晴茅屋燕爭泥海棠正好東風惡狼藉殘紅送馬蹄

邊轉運元勳

元勳字輔臣豐州人後遷雲中祖貫道遼日狀元輔臣天會十年進士終於河間路轉運使與弟元鼎元恕

望瀛臺春望

晴雲如困柳如癡丹杏開殘碧草齊一泓望瀛臺下水煖風遲日浴鳧鷖

七夕

高樓人散酒罇空漫擬新文送五窮獨倚南窗夜岑寂一鈎涼月下疎桐

李寧州之翰

字周卿濟南人宣和末擢弟人有勸參童貫可以徑至館職者周卿謝絕

之國兵破洛州縛見元帥誘之使降語及君臣之際辭情慷慨自分一死
帥怜之遂被錄用後守寧州陷田侍郎珪黨籍除名徙上京遇赦復官終
於東平伴有秦園集行于世子靈石尉孫德元今在鄉里

書呈仲孚

造物固難量誰能計寒餓失馬乃為福夢牛翻作禍長溪霜練靜脩竹
龍卧魂夢吾已安不勞歌楚些

題齊安州學壁

崎嶇到此興何堪况復風謠意未諳旅舍蕭條空自遣宵檠磊落向誰談
留連暮雨侵疎牖宛轉飛雲掃翠嵐因憶林泉歸去好一登幽夢竟春潭

中京過因長老

天涯流落偶生還古剎相逢語夜闌歎我歸途千里遠喜君禪榻一身安
松峰不斷風吟細月影無邊露氣寒分手山堂更秉索冷雲衰草伴征鞍

歲暮

休怪年來白髮新天涯三載困埃塵偶離沙磧宿陰地收得桑榆老病身
對壘莫吟秦嶺句撥醅且醉漢江春此生自斷無餘事何必區區問大鈞

合州八

三

三興居士

三興居士阜昌中人

題平陰僧寺

三吳家近水晶宮行坐紅香綠影中今日異鄉僧寺裏一盆荷葉戰西風

楊興宗

興宗高陵人宋既渡江故興宗有龍南集予同舍郎關中楊君美首見之

出劍門

嘔啞鳴櫓下長川萬壘青嶺只眼前山鷓啄殘紅杏粉杜鵑啼破綠楊煙
夢迴蜀棧雲千片醉枕巴江月一船物色誰分杜陵老風騷牢落劍南天

趙亮功

亮功華州人嘗監富平酒

甘露寺

鄭南峯下寺泉石間疎篁飛雨度山閣閑雲生野塘簷前松子落扇際
煙香別後聞鐘磬山陰空夕陽

賈泳

冰字漢甫洛陽人

題安生僧寺

天會己酉予嘗與王化原李端中同過是寺屬兵厄甫罹堂宇頽弊繪像剥落秋上野蔓羅生階上盤桓終日聞闐其無聞時風塵未靜竊謂此地當日就丘墟及今與端中復來則寺有僧簡師矣向之所見頽者已完葺剝者復嚴潔鍾閣鐘磬石塔巖焉庭樹鬱焉皆向之所未有者也因一讀舊題已經五稔自念五年之間所向齟齬十步九蹶卒陷機穽豈非禍患之來有積漸歟抑得失行止非人所能為歟嗚呼事去如夢人生如寄窮達相推雖賢智有不能免焉者顧余何足道哉所不知者他日過此寺之興廢余之得喪悲歡又何如也續題一詩貽失路者共為一嘆云癸丑七月八日誌

重來已五五年游憂兼相仍欲白頭翻羨亭亭兩奇樹不知風雨過春秋

元日能

日能不知何許人與劉崑老同時

紅梅

卷州八

八四

天上瓊兒白玉肌
吳粧略約更相宜
認挑辨杏由君眼
自有溪風山月知

范攄

吳字元涉系出穎川有詩話行于世

和高子初梅

春風也自惜流光
只放寒梅一樹芳
玉粉更粧前夜雪
口脂猶注昔年香
江湖昨夢誰同記
詩酒風流豈易忘
東閣何郎未全老
花枝休笑鬢絲長

王雱州仲通

仲通字達夫長慶人天會六年進士皇統中陷田穀黨籍編配五國會赦遷世宗即位復官終于求定軍節度使

送客

惜足疑無地
捫心幸有天
故人成解后
殘喘見哀怜
落日驚魂外
孤雲目
眼邊西歸萬里夢
夕夕到君船

韓內翰汝嘉

汝嘉字公度宛平人父昉遼末狀元仕國朝至宰相嘗作武元聖德神功

碑為作者所稱公度皇統二年進士累遷真定路轉運使坐公事遷清州
防禦使召為翰林侍讀學士卒

寄元真同年

十年塵土鬢毛斑杖履還來踏故山
葉寄殘紅春尚在雲酣濕翠雨仍堅
不堪倚樹追前事更恐臨溪見病顏
一日暫來千日去何時倦鳥得真還

王吏部啓

啓字希阜大興人正隆二年進士累遷戶部員外郎通州刺史用宰相萬
公薦權右司郎中章宗即位不一歲遷工部侍郎即以河南北路提刑使
拜吏部尚書使宋使還出為絳陽軍節度使致仕還鄉里與左丞董公叅
政馬公宣徽盧公尚書郭公為九老會年七十九卒子師揚字仲雄南渡
後隱居崧山時年已六十餘經傳子史皆手自抄之如健舉子結夏課然
希顏說仲雄在大學同舍號為閉戶王先生其謹厚蓋家法云孫造字成
叔今居東平

王右轄許送名酒久而不到以詩戲之

燕酒名高四海傳兵厨許送已經年
青看竹葉應猶淺紅比榴花恐更鮮

口州

二五

枕上未消司馬渴車前空踏汝陽涎
不如便約開東閣一看長鯨吸百川

晁洗馬會

會字公錫高平人道院文元公之後宣和末中武舉仕為太子洗馬天眷
二年經義進士為人美風儀器量宏博澤人經靖康之亂生徒解散公錫
稍誘進之貧不能就舉者必厚為津遣在官下則分俸以給之至于李承
旨致美昆仲亦出其門士論歸焉歷虞鄉猗氏臨晉三縣令以興平軍節
度副使致仕年七十八終於家詩號汝水集虞鄉縣齋云官况薄於重控
酒瓜期近似欲殘甚王官谷云煙藏芳樹遠雲補斷山齊鄉人至今傳之
探國章字公憲李承旨外孫教授鄉里樂於提誨諸生經指授者肅然如
在官府進退拱揖皆有可觀蓋其家法云

杜鶴

杜宇啼聲枕上來一聲哀似一聲哀
千哀萬怨無今古喚得行人若箇迴

王內翰遺古

遺古字元仲父政金吾新上將軍三子遵仁遵義元仲其季也元仲四子
庭玉字子溫內鄉令終於同知遠州軍州事庭堅字子貞有時名庭錫字

子端庭松字子文

過太原贈高天益

天益能作大字

滄海渺千里風塵今二毛心雖如筆正官不稱才高筦庫非君事山林必
我曹相期老鄉國拂石弄雲璈

野菊

子貞

關雞臺下秋風裏白白黃黃無數花日暮城南城北道半隨榛棘上樵車

王汾州璫

璫字君玉太原人天眷二年進士第璫器玉珣汝玉皇統九年同勝家世
業嘗有陰德聞里中嘗有金蚕金馬之瑞君玉仕至汾陽軍節度使鄉人
祭之必三柱王氏行尚書省左右司郎中仲澤其從孫也金馬在部據清
鄉房近公寶之

游太寧寺

西山踏破萬層青與客携壺上太寧泉石有情容避俗軒裳無術可逃形
雲縈屋角僧禪靜露下松梢鶴夢醒明日却尋塵境去曉猿啼月若為聽
王元仲海岳樓同諸公賦 汝玉

口川八

六

十二朱欄倚半空元龍高卧定誰雄簷楹翠濕蓬山雨枕簟涼生弱水風
物色橫陳詩卷裏雲濤飛動酒杯中謠仙會有騎鯨便八極神游路可通

李特進獻可

獻可字仲和遼東人太師金源郡王石之子太師遼末狀元仲和世宗元
妃之弟大定十年史紹魚榜進士歷州縣入翰苑累遷戶部員外郎以事
貶清水令召為大興少尹遷戶部侍郎終於山東東西路提刑使衛紹王
即位以仲和元舅贈特進道國公子道安特旨符寶郎

濟水寒食感懷

桃花零亂柳成陰人到春深思更深芳草成樓天不盡異鄉寒食故鄉心

召還過故關山

過關天日正清明誰道山神不世情遠客得歸心緒別離離閑作斷腸聲

雷溪先生魏道明

道明字元道易縣人父遼天慶中登科仕國朝為兵部郎中子上達元真
元化元道俱弟進士又皆有詩學元道最知名仕至安國軍節度使暮年
居雷溪自號雷溪子有鼎新詩話行於世元道卷與云燕來燕去烏衣巷

花落花開穀雨天高麗館備涼亭云似織碧海半彎蛟角國春風十里鴨頭波中秋云丹桂知經幾寒暑冰壺別是一山川其所得者也

佛嵩寺

虎谷西垠北口南橫橋過盡見松庵舊遊新夢猶能記般若真如得偏參霜圃顛疏充早供石泉煮茗薦餘甘殘年便擬依僧住過眼空花久已諳

退食

竿頭擯鼻清貧在夢裏槐安舊習空退食歸來澹無事水邊長嘯看晴虹

學易先生雷思

思字西仲渾源人天德三年進士大定中任大理司直持法寬平至今稱之仕至同知北京轉運使事有易解行於世弟志字尚仲亦弟進士仕至永定軍節度使西仲李子淵最知名

食松子

千崑玉立盡長松半夜珠璣落雪風休道東游無所得歲寒梁棟滿曾中

王大尹脩

脩字脩然范陽人皇統二年進士資稟鯁峭甫入仕即以材幹稱大定中

合州

八

皇子曹王尹大興脩然為少尹王移鎮北門後以同尹從之前後多所規益朝廷稱焉遷咸平轉運使改知瀋州坐為怨家所誣奪官宰相有為辦理者得鄭州防禦使章宗即位召拜禮部尚書以選為大興尹兩月政成發數艘強割繫理嗣百年以來無有出其右者尋為護前者所排繫獄累月天子知其非罪出之脩然幅巾歸范陽明年起為定國軍節度使致仕卒遺命無請謚無立碑然至今言名臣者必及焉

烏子秀自左司員外郎左遷上京幕官

楚山白玉點蠅頭正坐曾中有九流同部吏郎皆五馬不知山鬼解挪揄

高工部有鄰

有鄰字德卿遂城人數歲入小學州將為子娶婦驂御盈路同舍兒競觀之德卿讀書自若也大定三年弟進士歷州縣為尚書省令史時相議絀詞賦專明經德卿以賦有諷諫之義反復詰難竟得不罷爾後擢弟者廷試時務策亦自德卿發之明昌初累遷安國軍節度使父飛狐令某嘗對南和以公事活千餘人德卿實生是邑父老有身及當時事者扶杖迎勞歡呼馬前德卿亦為立碑尉廳不踰月子嵩猶子鑄同榜登科時人榮之

泰和中使宋還拜工部尚書致仕卒德鄉孝友廉介長於吏事所至興學
校敦風化以儒雅自緣飾者甚多稱之子昂字士瞻弟進士季子焜字
士美正大初監察御史最知名

馬嵬

事去君王不奈何荒墳三尺馬嵬坡歸來枉為香囊泣不道生靈淚更多

宋孟州楫

楫字濟川長子人年十九天德三年擢弟除著作即母老丐歸養許之泰
和三年以省掾從吏部尚書梁肅使宋副趙王府長史直臣獵淮上射一
虎斃之濟川有詩記其事語意俊拔泗州守刻石於鎮淮堂濟川官至孟
州防禦使子元吉字祐之明昌二年進士元圭字遵之泰和三年進士皆
有名於時曾孫弘道今在武陟

遂紫雲寺素扇且題詩其上

吳絳便面小團團失手拈來亦厚顏墮盡驛塵三十里却還明月紫雲間

庭槐

庭槐先人手所植再世清陰方滿臺漸媿兒孫種桃李花枝準擬當年開

口州八

八

高轉運德裔

德裔字曼卿鶴野人高才博學弱冠擢弟累遷登聞檢院同知太府少監
平陽少尹開州刺史豐王傅卒於西京路轉運使工於為文字書尤有法
所題卷軸今猶有存者嘗以樗軒所書比之氣韻形似無毫髮少異樗軒
自望者甚高何至學曼卿乃暗之合真異事也子元道殿中侍御史

坐忘女張氏年三異妻之後

結習銷來性自圓去留元不閒人天消搖自是忘形蝶枯寂寧同委脫蟬
無礙真空常蕩蕩若存餘息尚綿綿立亡坐脫皆游戲定力何嘗有變遷

路冀州仲顯

仲顯字伯達冀州人家世寒微其母有賢行教伯達讀書國初賦學家有
類書名御事者新出價數十金大家兒有得之者輒私藏之母為伯達買
此書擗衣節食累年而後致戒伯達言此書當置學舍中必使同業者皆
得觀少有斷固吾即焚之矣伯達正隆五年進士明昌初授武安軍節度
使鄉人縻之雲胡用兵伯達奉使江左還獻賜幣以佐軍未報而伯達死
章廟詔以所獻還其家夫人傅氏曰此非吾夫意復上之有司不聽夫人

付之州學買上田二千畝有奇以贖生徒故相馬琪德玉時判州事聞于朝賜號成德夫人伯達二子鐸字宜叔鈞字和叔俱有名于時宣叔為諫官諫章劾元妃李氏出細微不應上僭有累聖德又其兄弟恃寵納賂將有揚國忠之禍坐謫除名宣叔布衣還鄉里傅夫人臨終教宣叔曰汝以憂國愛君故極言自諫天子明聖特寬有所蔽計他日必復起汝前事須再言勿有所顧藉也墓碑不之載故表出之

楊秘監釋伽出山像

自從此老出山隅惱亂蒼生底事無他日若逢楊處士只教畫箇涅槃圖

張代州大節

大節字信之五臺人天眷中進士與興陵有藩邸之舊愛其真淳甚倚重之歷橫海軍節度使咸平大興尹吏部尚書河東北路兵馬都總管明昌初請老特授鴈門節鉞除其子崑叟忻州刺史以榮其歸信之好獎進士類滄州徐贍太原王澤大興呂造經其指授卒成大名士論以風監歸之崑叟字夢弼亦弟進士歷嵐路懷三州節度終於集慶軍屏山謂吏事不及乃父而以長厚見稱子待舉臺掾選授奉御正大末從車駕東狩不知所終孫紹祖在東平

中州八

八九

同新進士呂子成輩宴集狀元樓

趙轉運愨

鸚鵡新班宴杏園不妨老鶴也乘軒龍津橋上黃金榜三見門生是狀元

擬古

春風動地來依依燒痕青王孫行不歸離恨何時平翩翩誰家兒曉獵關紅旌彫弓挿白羽怒馬懸朱纓團合意氣雄所養厭庖身人生一春草時至何足榮君看五陵樹日暮悲風生

蜀山曉發

曉發蜀山道山深人自迷殘星數微小斜月一梳依隔舍綠車響透林杜宇啼區區事行役何日得安栖

寒齋雪中書呈許守

剪水作花開紛紛天上來聲清偏傍竹艷冷欲欺梅積澗滋牟麥餘膏

草萊窮閭休嘆息數日是春回

郭秘監長情

長情字曼卿文登人皇統丙寅經義乙科仕至祕書少監兼禮部郎中修起居注與施朋望三無競劉崑老劉無黨相友善所撰石決明傳為時人所稱有崑崙集傳于世子天驥

義師院蔡竹

南軒移植自丙壇瘦玉亭亭十數竿得法不雁心輸老栢植根兼得近幽蘭雖無穠艷包春色自許貞心老歲寒百草千花盡零落請君來向此中看

郭錄事用中

用中字仲正平陽人大定七年進士歷浮山簿陝州錄事卒年三十一有寂照居士集郝子玉毛牧達鄭仲康為之引其賦醋魚云身卧不知雲子白氣酣聊作木奴酸按博物志西羌仲秋日取鯉子不去鱗破腹以赤秫米飯鹽醋合糝之逾月則熟謂之秋鮓故仲正云然又賦雪云灞橋柳絮人千里楚澤蘆花水半扉殊有詩人思致恨不假之以年耳

偶得

中州八

八十

參編蔡林懶出游指端孤月照高秋大千界裏閑窺掌不二門中暗點頭掃地燒香聊自遣栽花種竹儘風流莊蒙抵死談齊物無物齊時也合休

趙太常之傑

之傑字伯英大定人本名宗傑避諱改大定十六年進士歷西京提刑副使棣州防禦使終于太常卿使宋還言事云宋人文敝之極且脆弱不足為慮邊鄙為可慮也其前識如此子繪名進士早卒孫季卿在燕中

許道寧羣峰暮雪

道士平生林野人醉中拈出雪峯真為君瘳却煙霞癖此似青囊藥更神

題濟源龍潭寺

樹圍脩竹竹圍庵庵下泓然碧一潭極目荷花半秋色小橫圖上看江南

除夜

日月不肯留歲曆浹云畢僧坊見節物新正在明日夜半拊枕嘆半百又加七形骸念念改膂力能不失經言男數八此去才有一健者未可期况乃常衰疾物情已盈滿君子慎名實行矣安退閑吾其保終吉

趙轉運鼎

鼎字德新藥城人大定十六年進士官作詩頗知道學屏山所許如此仕至西京路轉運使元日詩云拜嗟筋力隨年改飲覺唇酥到手遲惜不多見也子中立字正卿弟進士文譽甚著

宿來同堡

渭北洮南過却春窮邊冰雪更愁人來同驛裏題詩處破屋青燈一病身

田轉運特秀

特秀字彥實易縣人大定十九年進士仕至太原轉運使官作詩爲周德鄉李一絕所賞感興云散木不材寧適用虛舟無意任乘流百年身世槐安國千古人情美頡頏賦古塔云締構百年人換世消沉千古鳥盤空他類此彥實所居里名半十行第五以五月五日生小字五兒二十五歲鄉府省御四試俱中第五年五十五八月十五日卒造物之戲人如此五明

性胡觀繼云

宿萬安寺

長途鞍馬倦黃塵喜見空齋萬壘雲漫漫野煙迷去鳥蕭蕭林葉帶殘照苔封老檜龍鱗起石礙流泉燕尾分夜敲松窻取無寐一庭蘿影月紛紛

中州八

十一

趙漕副文昌

文昌字當時陵川人仕至京兆轉運副使嘗有詩云蟲聲連壞壁樹色入秋窻草香花落處山黑雨來時頗爲黃華所稱

敬翁

媚娘巧作舞珠喉畫扇團團半掩羞唱到春山小罨處一輪明月爲花愁

路轉運忱

忱字子誠平郭人大定二十二年進士累遷監察御史終於河東北路轉運副使

秋懷

落日留虛壁秋風急戍樓高歌鬼神夜揮涕虎狼秋豪貴少青眼文章多白頭何時挂長劍天地一扁舟

高密州公振

公振字特夫正隆初進士歷南京留幕終於密州刺史詩有家學賦南園江鄉有翠蓋紅粧無俗韻綠陰青子更多情之句惜不多見也

裴氏西園

溥頊沉迷倦不禁偶從名勝此幽尋竹陰疎處見潭影人語定時聞鳥音
陳跡謾留千古恨歡遊聊慰十年心多情一片梁園月送我垂鞭出上林

張轉運轂

伯英臨穎人大定二十八年進士仕至河東南路轉運使家多法書
名畫古物必玩周秦以來鏡至百餘枚他物稱是天性孝友與人交極誠
款古所謂博雅君子者伯英可以當之弟數字伯玉美風儀善談論氣質
豪爽在之純希顏伯仲間舉進士有聲場屋及再上不中即拂衣去嘗自
言丈夫子娶非尚主官不徒步至宰相不屑可也宰相李公仲修適之皆
與之遊從不敢以布衣諸生處之家既貴顯厚於奉養擊鮮為具賓客日
滿門窮晝竟夜卒以樂死嘗賦雪云樵皮雙鳥懶魚養一蠅拳醉後云日
日飲熱市人人識張翥西山晚來好飲酒不下驢賦畫石云腹非經笥口
不肉食胃中止有磊磊落落百千萬之怪石興來茹噴快一吐將軍便欲
關弓射氣毋忽破碎物怪紛浪藉有時醉狂頭插筆掃盡人間雪色壁其
頤放如此

石淙 天后離宮在崧山曲河即東坡為韓子華賦詩處也

山口八

十一

穎水洗餘高士耳是非猶恐活人牛區區武媚何為者水上磨崖紀宴游

宗御史端脩

端脩字平叔一字伯正汝州人大定二十二年進士衛紹王避世宗諱政
宗為姬而天下止以宗平叔目之好學喜名節操履端勁慕司馬溫公之
為人自為諸生時見者必悚然敬之明昌中自省掾拜監察御史車駕東
狩是歲大寒人有凍死者平叔諫止之元妃兄弟李喜兒輩干預朝政平
叔上書以遠小人為言道陵知其為喜兒從詔喜兒就問卿欲朕遠小人
小人為誰其以姓名對平叔奏小人止李喜兒兄弟耳喜兒以聞李氏兄
弟皆被切責竟以訐直貶官平叔自守愈篤是是非非議論一出于正大
為朝廷所知降詔褒諭以全州節度副使卒官平叔妻死不更娶娶居二
十年士論高之永寧游彥哲謂汝州司候將之官問為政平叔言為政不
難治心養氣而已彥哲不領明日復來云夏初入官且臨先生鄉郡請問
從政而先生乃以治心養氣為言思之不能得願終教之平叔曰子寧不
知此耶治心則心正心正則不私養氣則氣平氣平則不暴不私不暴為
政之術盡於此矣平叔墓理及傳聞公為作稱其剛稜疾惡有鐵面陳

了翁之風人不以過云姪孫汝作正大未保山棚有功入守汝州力盡城
復陷兵人欲降之不屈而死

漫書

冷面直教冷眼看只慙索米向長安陰崖何限枯松樹望見屏幃盡牡丹

張戶部翰

翰字林卿秀容人大定二十八年進士爲人有蘊藉如素官然累遷監察
御史翰林直學士貞祐初戶部侍郎車駕南渡出爲河平軍節度使召拜
戶部尚書草創之際經費空竭雖米鹽細物皆倚之而辦子嘗見於戶部
別州一書生言時事相與詰難九數十條率不思而對雖反復計度者亦
自不能到信通濟之良材也宣宗旦暮相之會卒年五十五弟脩字飛卿
承安五年進士同知河東北路兵馬都總管事猶子天彝字仲常黃裳
登科子天任字西美近侍局副使死於宋州之變

贈石德固

西湖之月清無塵橘中之樂猶避秦向來所見止此耳渠亦豈是真知津
如君眼孔乃許大萬事付之塵甑墮兒能詩書又肯播着脚世間看踏破

合州八

八三

青巾玉帶桃李花日斜空望紫雲車布衣誰識隱君子一馬癡然何處家
再過回公寺

山州風土極邊頭二十年中復此游青驢已隨人事改碧溪猶繞寺門流
輕寒剪剪侵馳謁小雪霏霏入蜃樓爲問勞生幾時了不識長抱異鄉愁
萬寧宮朝回

宿雨初收變曉涼宮槐恰得幾花黃鵲傳喜語留鞘尾泉打空山輟鞠場
已覺雲林非俗境更從衣袖得天香太平朝野驩娛在不到蓮塘有底忙
奉使高麗過平州館

昨日龍泉已自竒一峰寒翠壓蒼厓低蕪并未似平州館屋上層巒屋下溪
金郊驛

李好復

山館脩然爾許清二更枕簟覺秋生西窓大好吟詩處聽了松聲又雨聲
好復字仲通安喜人明昌二年進士掄次令有能聲入爲警巡使嘗以事
縛一護衛道陵有投鼠之喻出爲歷城令終于滑州刺史

邵智夫同游商城

園林晴畫蔚如煙林外支流盡水田落日越墟人已散鷺鷥飛上渡頭船

雨中與客飲

門外平橋一水分數聲漁唱隔溪聞暖風落絮飄香雪小雨沾花濕夢雲
醞具未甘名長物詩壇聊欲張吾軍相逢莫惜通宵飲明日閉身不屬君

楊祕監邦基

邦基字德茂大定中進士仕至祕書監禮部尚書文筆字畫有前輩風調
世獨以其畫比李伯時云

墨梅

粉蝶如知合斷魂啼粧先自怨黃昏花光筆底春風老寂寞嶺南煙雨痕

呂陳州子羽

子羽字唐卿大興人六定末進士仕至陳州防禦使元光末為酷吏所誣
以乏軍興繫獄比赦至唐卿自縊死朝臣有辨其冤者詔復官希顏為制
辭云毀譽之來在仁賢而不免是非之論至久遠而乃公人謂唐卿於此
語為無媿屏山故人外傳呂氏自國朝以來父子昆弟凡中弟者六人以
六桂名其堂貞幹字周卿尤自刻苦酷嗜文書著碣石志數十萬言皆近

口州

八十四

代以來事迹幽隱謫怪詎朝評無所不有在史館論正統獨異眾人謂
國家止當承遼大忤章廟旨謫西京運幕量移北京致仕自號虎谷道人
晚年感末疾又號呂跛子自作傳以見志閑閑公亦以為篤志君子也弟
士安字晉卿卿雲字祥卿子鑑字德昭皆名士唐卿其從子云

廣平道中

風色着翳面霜華侵老須昏埃埋故驛積雪縞脩途凍袖新詩句寒林古
畫圖夜寒孤月上天地一冰壺

宿章義廣勝寺

小邑本無事我來勞簡書路長頻問馬人靜厭烹魚鐘冷僧叅外燈殘客
夢餘此心誰領會松月夜窻虛

至日

歲晏多風雪官閑深屋廬小詩窮則變美酒數斯疏未草歸田賦空翻引
睡書窻明添眼力已覺日光舒

李白醉歸圖

春風醉袖玉山頽落魄長安酒肆迴忙煞中官尋不得沉香亭北牡丹開

趙益部文昌

文昌字公權平陽人明昌二年進士仕至遼東路益使博學好持論周常山甚愛之子觀字維道從事吏院資謹厚不忤于物閑閑許其字畫進進不已可到古人云

軍中寄親舊

軍中從事鬚絲垂把釣江湖與願違紅葉關河為客久黃花時節寄書歸霜天不盡孤雲遠秋意無聊一鴈飛鄉社故人應念我豈知南望更依依

韓內翰玉

玉字溫甫其先相人五世祖繼寧仕石晉為行軍司馬從出帝北遷居析津曾孫知白仕遼為中書令孚為中書門下平章事賜田盤山遂為漁陽人曾相錫字難老仕國朝以濟南尹致仕溫甫明昌五年經義詞賦兩科進士入翰林為應奉應制一日百篇文不加點又作元勳傳稱旨道陵漢曰勳臣何幸得此家作傳耶泰和中建言開通州路水漕渠船運至都陞兩階授同知陝西東路轉運使事大安三年都城受圍夏人連陷外涇陝西安撫司檄溫甫以鳳翔總管判官為都統府募軍旬月得萬人藉秦州

合州八

八十五

場買馬官香及鳳翔買馬七百寶雞埋沒官鐵他州郡弓弩數千以給軍出屯華亭與夏人戰敗之獲牛馬千餘時夏兵五萬方圍平涼又戰于北原夏人疑大軍至是夜解去當路者忌其功驛奏溫甫與夏寇有謀朝廷疑之使使者按溫甫河平軍節度副使且覘其軍先是華州李公直以都城隔絕謀舉兵入援而溫甫恃其軍為可用亦欲為勤王之舉乃傳檄州郡云事推其本禍有所基始自賊臣貪容姦賂繼緣二帥貪錮威權既止夏臺之師旅致會河之敗又云齊魏以高壘為能堅蒲絳以穿空為得計累糧坐費盡膏血於生民棄甲復來竭資儲于國計要權力而望形勢連歲月而守妻孥又云命令不至京師奈何眈眈四集之師懸懸半歲之上誰無死有臣子之當然事至于今忍君親之弗顧勿謂百年身後虛名一聽史臣只如今日目前何顏以居人世公直一軍行有日矣將佐違約國朝人有不從者輒以軍法從事京兆統軍便謂公直據華州反遣都統楊珪襲取之皆置極刑公直曾為書約溫甫溫甫不預知其書乃為安撫所得公直書三與東共宜一與溫甫及使者覘溫甫軍且疑預公直之謀即實其罪溫甫赴官道出華州被囚死於郡學臨終書二詩壁間士

論冤之溫甫先賦怪松云昂藏殊未展僂僂旋自縮惜爾雲外安耐此跨
下辱又云木高衆必摧地厚敢不踣河中比日泛泛間底自鬱鬱未幾被禍
人以為讖云子不疑字居之小字錦郎以父死非罪誓不禄仕丙申之夏
過予冠氏出其父臨命時手書云此去冥路吾心皎然剛直之氣必不下
沉兒可無慮世亂時艱努力自護幽明雖異寧不見尔予為之惻然

臨終二詩

客自朝那戍東過古鄭原裴丘會凶運奇禍發流言白骨將為土青蠅且
在焚仰呼天外恨沉思地中冤母喪半途鬼兒孤千里塊此心終不滅有
路訴天關

天下無雙士軍中有一韓才名兩相累世道一何艱旅次窮又暮囚孤求
夜寒身亡家亦破巢覆卵寧完嬰鏢鞍仍在驚馬呼鏃屢彈丈夫忠義耳無
惜感歌還

王都運擴

擴字充之永平人明昌五年進士累遷同知德州防禦使事山東飢詔馳
驅赴官且以振貸事付之時棣州飢尤甚而不在發粟之數充之擅開倉

中州八

六十六

救之朝廷不之罪也泰和七年夏旱充之以監察御史受詔審冤因為同
列言往時審冤一切以末減為事至殺人者之罪亦貴出之地下之冤當
誰理之乎使還言初設三司不便大略言三司之設特以刻剝為事大定
間一曹望之為戶部天下倉廩府庫皆實百姓無愁怨之聲存乎其人
在改官稱也今三司官皆戶部舊員採屬亦戶曹舊吏豈有愚於戶部而
智於三司者乞復戶部之舊無駭民聽可也崇慶初遷河東北路按察使
事上書言時病四一將不知兵二兵不可用三事不素定四用人違其長
貞祐二年太原受兵充之之功為多最後權陝西西路轉運使行六部尚
書前政太原喬世權子實無人趙伯成子文號為稱職充之表表自見雖
處細務亦有法掾屬奔走從事無敢後者評者為子實寬緩欲為不忍欺
子文慎密欲為不能欺皆未必能然獨王公之不取欺為有徵云年六十
三致仕卒子元慶字善甫歸德行六部郎中次子元亨

題神霄宮清心軒

紛紛百慮自心生方寸清來百慮平未了此心私自笑更憂時世欲澄清
趙吏部伯成

伯成字子文宛平人明昌五年經義詞賦兩科進士博通書傳有真積之力性沉厚言必中理從在太學日人以趙骨鯁目之累遷侍御史拜中丞陝西西路轉運使辭難軍節度使哀宗即位召爲吏部尚書坐爲飛語所中罷官卒于崧山中終人宋文之說其臨終甚明了也

懣悔二首

凍蓄含香蠟點勻古來幽谷有佳人詩家只怨和羹晚不道紅梅別後春冷艷疎香寂寞濱欲持何物向時人東風自是清狂手辦作竹籬茅舍春

元弟以所業見投賦詩爲贈

者舊隔有刃爲君重嘆嗟人門得嵇紹文賦見張華夙有凌雲筆方乘犯斗槎忘年即吾友未可論通家

系錄事仲新

仲新字良輔朝城人明昌五年進士初試仙掌承露詩主司以爲擅場用是知名卒于許州錄事

江天暮雪圖

南雪不到地霏霏滿竹樓沙河燈市裏春在木綿裘

山州八

八十七

盧待制元

元字子達玉田人父啓臣字雲叔弟進士仕官亦達自號澗水先生和趙元發劉師魯葛藤韻云乳兔生長角塵盪湯結厚冰水終成假佛髮不礙真僧莫認指爲月須明火是燈拈花微笑處只記老胡曾子達幼而敏惠年未二十試於長安爲策論魁擢弟後又中策魁明昌初章廟設宏詞科命公卿舉所知子達與郭徽周詢張復等就試凡七日並中選遂入翰林累遷至待制二兄長庸弟曾名進士又俱擢高第時人以燕山竇氏比之屏山故外傳云爾子安字希謝翔字仲升仲升正大末登科

閑詠

天近蒼龍關居連白馬堂松聲得隣舍山色出宮牆巷陋輪蹄少庭閑日月長九衢紅霧裏亦有白雲鄉

太常卿石林世勛

世勛字晉卿承安中進士終于禮部尚書子嵩字人止隆應奉翰林文字父子皆死蔡州之難

紙寫

鳴鳶鵬鷲誰雄假手成形本自同果物戲人人戲物為風乘我我乘風
扶拙設擬層霄之高下都歸半紙中兒輩嗷嗷方佇目豈知天外有冥鴻

范滑州中

中字極之大興人承安中進士累官京西路司農少卿滑州刺史如賢樂
善有前輩風流貞祐中高其當國專以威刑肅物士大夫被摠撫者皆辱
與徒隸等醫家以酒下地龍散投以蠟丸則受杖者失痛覺此方大行於
時極之有戲云爵蠟誰知味最長一杯卯酒地龍香年來紙價長安貴不
重新詩重樂方時人憚以為笑趣之嗜讀書一以資于詩詩亦往往可傳
壬辰卒于京師年五十七

贈韶山退堂聰和尚

郎當舞袖少年場線索機關似郭郎今日棚前閑袖手却從鼓笛看人忙

趙禮部思文

思文字庭玉永平人明昌五年進士貞祐中陷沒都城閉關南渡遂為朝
廷所知歷虢州刺史汝州防禦使金安集慶兩軍節度使召拜禮部尚書
壬辰卒官為人誠實樂易自少日有君子長者之目南狩以後趙吏部子

中州八

十八

文楊禮部之美趙禮部周臣陳司諫正叔與庭玉皆完人終始無玷缺者
也弟庭珪同榜登科三子敬叔介叔方叔今居鄉里

試院中呈同官崔伯善李順之

睡起松陰鳥雀譁忽驚霜葉墮簾牙簡書追促全疎酒眼力眩昏只費茶
不學道人食栢葉却隨舉子踏槐花提衡文字非吾事崔李風流有故家
侯相浪溪歲寒堂

靜中臺榭隔紅塵水光山色日新不用公溪種松竹主人元是歲寒人

捕蝗感草蟲有作

雖是形模不苦爭汝能傷稼我能鳴誰知竟有長平禍玉石填來共一坑
草蟲悲咽不能言亂逐螟蝗瘞古原水底癡龍正貪睡瓮中蝎虎更啣壳
二詩氣韻雄壯
觀者可以意推之

嵩山承天谷又云道遙谷

煙霞直上道遙谷路轉山腰咫尺迷已覺洞天分聖境更疑石磴是仙梯
霜添紅葉黃花好天與金壺玉柱齊
醉倚西風正南望暮雲煙草一
時低

吊同年楊禮部之美

海內文章選人中，道德師爭教。衰病足不到，鳳凰池。

李坊州芳

芳字執剛，大興人。承安二年進士，歷乾坊兩州刺史，同知都轉運使事。為人敬賢下士，款曲周至，聞人一善，極口稱道。士論以此歸之，又精于吏事，累以廉能進秩。正大末，致仕，歿於洛陽之難。

留別

祿食媿踰量，智困念歸愚。符竹恒為累，幸及引年初。驅馬國西門，初服返田廬。金閨富才彥，絕足馭高衢。眷我謝朝蹟，冠蓋寵歸途。豈不榮頭瞻，亦踟躕。煌煌丹山鳳，覽德萃清都。行人得棲止，老鶴青天孤。石樓俯清伊，旁有野人居。儻逢經過使，山水足相娛。

劉鄆縣昂

昂字次霄，濟南人。承安五年進士，調鄆縣令。劉光甫曾為同官，稱次霄高材博學，詩時有佳句云：

零口早行

中州人

八十九

馬上元殘夢，沉沉天向晨。行雲如如月，古道不逢人。野曠耕聲遠，山高霧氣新。哦詩無好語，聊耳一吟呻。

讀國志二首

虎視鯨吞卒未休，一時人物盡風流。婦翁正得黃承彥，兒子當如孫仲謀。乳臭蒙孫真寄坐，齒寒鄰國莫分憂。阿瞞狐媚無多罪，誰作桓文得到頭。泣草遺和血未乾，敬齋昌新築受終壇。地球寶鼎移穢獲，坎井坳堂局鳳鸞。地易主賓窮赤壁，勢成蟻雀事烏丸。陳言衮衮令人厭，枉就輸基覆舊漿。

錦峰王仲元

仲元字清卿，平陰人。承安中進士，以能書名天下。歷京兆轉運司幕官，子公茂，今在雲中。

雪中同周臣內翰賦二首

天上端花散不收，溫溫叶氣夾皇州。橫溪月澹海宜曠，平野風開麥有秋。清興雅高東武會，孤吟誰似霸陵游。西山玉立三千丈，好句都輸趙倚樓。

雪

初稀時拂拂，稍密自紛紛。老樹曉迷月，瘦峯寒佔雲。色從空際得，聲向巖

中間客枕清無夢，哦詩徹夜分。

贈青柯平隱者

太華神明觀，青柯小有天。大哉霄壤內，無此羊昆賢。齊物三千行，樓雲二百年。初平初起後，又得兩矚仙。

盧宜陽洵

洵字仁甫，高平人。李承旨致美見所作上梁文，勉使就舉。六十一歲，呂造勝登科，歷河南府教授、河陽丞、宜陽令。致仕後居伊陽。年八十三卒。仁甫有詩學，以鞏原及赤壁圖詩著名。招飲云：南園仙杏，腥紅破比渚官醪。玉汗醪已約尊前成，二老全勝月下作三人。

白溝

白沙清淺不容舟，遼宋封疆限此溝。到了山河無定主，碧波依舊只東流。

刀涇州白

白字晉卿，信都人。呂造榜乙科，歷涇州幕官，入補省掾。卒作詩極致力樂府，尤有風調今散，失不復見矣。

渭水

口州人

二一

渭水秋天白，驪山晚照紅。行人迷古道，老馬識新豐。霜雪滿歸鬢，乾坤轉蓬愁。來成獨酌醉，袖障西風。

物質

物質方圓定，營營止自疲。鷓鴣見傷斷，續鷓鴣失高卑。巧官多成拙，徐行未必遲。可伶筆上鴈，來往聽人移。

送花

縱橫詩酒少年曾，老矣追權謝不能。種出好花無用處，東鄰乞與坐禪僧。

劉戶部光謙

光謙字達卿，潘州人。父澤字潤之，爲部掾，斷獄有陰德。劉之昂與之酬唱，其詩有云：侯門舊說炎如火，陋巷今猶冷似冰。半夜捩槃長袖舞，白頭書冊短檠燈。用是人不取，以府史待之。達卿泰和三年進士，資幹局處事，詳雅爲朝廷所知。累官司農少卿，病瘡許州。宣宗救國醫診視之，卒年五十六。好問爲舉子時識於登封，相得甚歡。尊酒間談笑有味，使人不能忘也。

寄陳正叔雷希顏

東南形勝古徐州，人物休評第幾流。落落陳雷天下士，故應連榻卧黃樓。

毛拱舉端卿

端卿字飛卿彭城人父矩桓州軍事判官歿王事飛卿二十歲始知讀書游學齊魯聞備極艱苦飢凍疾病不以廢業几十年以經義魁東平泰和三年擢第累遷提舉權化其司戶部員外郎性剛明疾惡過甚坐與監察御史相可否為所中傷降鄭州司候改孟津丞將復用矣會卒子思通今居東平

題嶧縣郝子玉此君軒

桂林名姓一枝新萬竹青青德有鄰渭上風煙分別派山陽詩酒屬閑人心期已到冰雪窓眼界不知花柳塵營皆從今看輝映嫩香新粉四時春

康司農錫

錫字伯祿寧晉人其祖嘗與兄弟分財他田宅無所問止取南中生口十餘人縱為民而已以故家獨貧父弁為里胥性純篤縣令者倚之以納賄及令為御史所劾弁自念言直則令被罪終世不齒渠官長而我以事證之何以立於世乃自縊而死令竟以無迹可尋獲免伯祿既養於外祖田氏田氏見伯祿骨路異他兒謂當有望使之應童子舉飲食卧起躬自調

中州八

二十一

護備極勞苦得解赴都一日日暮行菱葦中懼為同行所遺至背負伯祿而行及長師相鄉王翰周輔東脩不能備周輔與諸公共賙給之著裳履擢弟歷陽簿警巡判官辟彭原令補省掾考滿遷開封府判官拜監察御史言宰相侯摯師安石非相材提點近侍局宗室安之聲勢熾熾請託公行不可使久在禁近朝議偉之選授右司都事京南路司農丞破上蔡諸縣羣木逞把持之黨以河中治中充行六部郎中從軍城陷投水死伯祿孝于母友於其弟有恩義於朋友從政則死心以奉公為民古所謂公家之利知無不為者唯伯祿為然同年生如雷希顏真京父宋飛卿之等名士數十人出以比唐日龍虎榜至論氣質尚以伯祿為稱首云

按部南陽有贈

魯山佳政露隣邑白水歡謠見路人縣務清談君自了農郊夙駕我何勤星河直上冰輪轉桃李前頭玉樹春海寓疲民望他日草堂那得遽移文

張戶部德直

德直字伯直平陽人叔祖邦彥字彥才張楫榜登科以當川令致仕有松棠集行于世嘗有詩云青山澹澹水溶溶盡出蒼根點化工無限燒痕渾

綠染可憐喬木待春風父迪標字仲英明昌初進士歷岐山上黨二縣令卒於省掾伯直貞祐三年進士釋褐新平簿辟藍田令秩滿父老詣行臺留再任去之日爲立生祠移汚池通許召補省掾選授右警巡使終於同知武勝軍節度使事子城今居永寧

叔能見過

度嶺千峯闊溪一徑微山寒花發晚村迥客來稀強飲酬佳節悲歌送夕暉平生愛歡聚衰病與心違

馮辰

辰字篤之臨潼人貞祐三年進士辟涇陽令九歲知作詩

雨後時年十三

東風花外錦鳩啼喚起西山雨一犁綠滿蔬畦人不到桔槔閑立夕陽低

王世昌

世昌字慶長寧州人貞祐三年同進士出身以信都丞致仕

過莒州

拔地三峰冷翠微落砧飛瀑噴珠璣吟鞭落托騎驢過戰刃鞘藏牧馬歸

中州八

八十二

十丈玉蓮秋不謝半標掌月晝還飛地靈人傑無遺逸未分蟠螭老布衣

方城東寺海棠

苦苣如針草有芒挑花輕薄絮顛狂少陵例有詩沾丐只枉無言到海棠

李宜陽過庭

過庭字庭訓武亭人貞祐二年進士歷宜陽永寧滎陽三縣令所去見思入爲右曹掾斷獄寬平當妖賊李亨首坐所誣誤數百人皆從輕法正大中罷右三部司正終於昌武軍節度副使少日從太原王正之學故詩文皆有可觀人初與交者多不能合久之知其爲淳質長厚人也壬寅四月暴卒於東平子萼字華甫

讀公孫弘傳

古來好客數平津我道真龍未必真一箇仲舒容不得不知開閣爲何人

田錫

錫字永錫苑平人與定五年進士調新蔡主簿閑居南陽驥立山下資囊爽自少日有聲場屋間作詩甚多吊蘇瓊一篇有英靈還却眉山秀依舊東風草木天之句世闕傳之

牧牛圖

千戈擾擾徧中州挽粟車行似水流何日承平如畫裏短蓑長笛一川秋

故縣別業

九折驅車夢易驚一廛老計喜初成園蔬不惜將軍地宅券何勞宰相名
山入平簷供遠翠水環釣石得深清漫郎聲叟珣珣子誰悟他生與此生

張介

介字介夫彭城人正大元年經義第一人歷鞏毅熟二縣令幼有賦聲為
人有緼藉嘗贈詩人楊叔能末章云我貧自救如沃焦君來過我亦何聊
為君欲寫貧士嘆才思殊感荒村謠揚初以荒村謠得名故云

讀天寶遺事

不但昨非今亦非上皇騎馬泪沾衣曲江死後無忠諫却憶詞人秋鴈飛

龐漢

漢字茂弘平晉人正大末年進士沉毅有志節待次內鄉北山兵亂遇害

終南銘

冷雲亘壓萬長楊十頃秋陰鎖北堂門外兵塵漲秦楚水邊煙景似朔湘

中州八

二二三

荷翻山兩僧窻晚竹泛溪風客枕涼早晚初平遂真隱遶波閑牧石兩羊

宋景蕭

景蕭字望之濟川族孫正大六年進士辟令秦安未赴遭亂望之於劉景
玄為外兄故其詩頗獲沾丐嘗有荒山銷盡古今魂之句詩家稱焉

河陰望河朔感寓一首

南來邊報日駸駸思岳亭高泪滿襟野燒為誰留白草荒城空自隔疎林
鴈聲不斷天連水山色無情古又今離合興亡只如此往年爭識少陵心

春雪用上官明之韻

噦噦春虫鬧撲窻地爐茶鼎蛭聲長詩中有味清於酒只欠冰梢數點香

李警院天翼

天翼字輔之固安人貞祐二年進士歷滎陽長社開封三縣令所在有治
聲遠右警巡使汴梁既下僑寓聊城落簿失次無以為資辟濟南漕司從
事方鑿園柵了不與世合眾口媒孽竟罹非命輔之材具甚美且有志於
學與人交款曲周密久而愈厚死之日天下識與不識皆為流涕予謂天
道悠遠良不可知而天理之在人心者亦自不泯也

還家三首

幽花雜草滿城頭，華屋唯殘土一丘。鄉社舊人何處在，語音強半是陳州。
牡丹樹下影堂前，幾醉春風穀雨天。二十六年渾一夢，堂空樹老我華顛。
殊音異服不相親，獨倚荒城淚滿巾。祇有青山淡相對，似憐我是此鄉人。

張參議澄

澄字之純，別字仲經。本出遼東烏惹族，國初遷之隆安祖黃縣。府君移官洛水，因家焉。之純早孤，能自樹立，避地洛西，率資無旬日計，而泰然以閉戶讀書為業。嘗從辛敬之、趙宜之講學，故詩文皆有律度。兵後居東平，詩名籍甚。如云齊客計窮，思蹈海；杞人癡絕，謾憂天。壞壁粘蝸，艱國步荒池漂蠹，失軍容。此類甚多。

積雨

積雨生頽痺，新晴意自怡。幽花依小徑，野蔓媚疎籬。少從梳櫛年，衰與杖宜。腐儒漸用拙，猶食復何辭。

和林秋日感懷寄張文御史二首

塞草枯黃秋未殘，北風裘褐日生寒。田園政憶遊初賦，冰雪莫吟行路難。

山州八

二十四

囊穎露錐徒自苦，蒯緱有劍祇空彈。南窗明煖無塵到，慚愧高人老鷓冠。
別家六見月牙新，萬里風霜老病身。塊坐種盧心悄悄，遠懷茅屋夢頻頻。
瓜田無取終成謗，市虎相傳又是真。鄉國歸程應歲暮，火爐煨栗話情親。

韃馬圖

飛壘乘城力亦優，不應伏櫪便垂頭。而今世上無良樂，兀兀黃塵鞵得休。

劉神童微

微字伯祥，益都人。七歲能文，道陵召入官，賦鳳凰來儀二首，稱旨賜進士出身，係籍太學。後登貞祐二年第。

春柳應制得城字

翠細圓勻綠線輕，着行排立弄新晴。更看三月春風裏，散作飛花滿鳳城。

郭宣道

宣道字德明，邢州人。系出衣冠，家人物楚楚，而有老成之風。貞祐中，客南陽，名士定興、張履坦之罷鄧州觀察，聞居此縣之石橋，見德明愛之，招致門下，飲食教習，委曲周備。遂有警場屋，開正大末，沒兵中。

送同舍張耀卿補掾中臺

摩雲頭角有昂藏意外沉豈易量取士比如有科舉進身初不在文章
關心鴈塔功名晚試手烏臺歲月忙此去一官先有路獨憐燈火夜窗涼

張仲宣

仲宣字利夫相州人舉進士有聲子柔字子友今在林慮

下弟

主司頭腦舊多烘更着書印骨相窮曉賦得官何足道直須遮馬困吳融

戲題石鹿峰猿畫卷

博製將軍馬足塵判花學士筆頭春功名果屬丹青手造物如何戲得人

胡汲

汲字直卿衛州人少有賦聲與新鄭傅伯祥呂鵬舉相友善見寢陋而滑
稽無窮時命不偶竟窮悴而死

休笑參軍靴不鞞休笑門客食無魚燕鷗來去端誰使鷓鴣消搖本自如
潦倒淵明三徑菊荒唐惠子五車書古人淡裏求真味身外紛華不羨渠

王脩齡

脩齡字紹先同州人詩有得意好在開早落喚愁芳草燒還生之句閑閑

合州八

二十五

愛而戲之目為癡仙人

黃葉行送祖唐臣歸柘縣

送君黃葉山黃葉紛不掃上有蕭蕭之風樹下有漫漫之衰草山中黃葉
行復青鞞內一消人自老酒盡意不盡執手臨古道古道連延走錦囊錦
囊日暮浮雲翔一燈孤館相思處寒鴈一聲秋夜長

中州先生卷終

中州壬集第九

白先生賁一首

王內翰樞一首

晦軒先生趙晦一首

浚水王先生世賞四首

南湖靖先生天民一首
東臯桑先生之維一首

步元舉一首

馮文叔一首

張庭玉一首

宗道一首

鮮于溥三首

史士舉二首

王敏夫二首

王利賓一首

孫益一首

郝先生天挺一首

孫邦傑一首

張獻一首

徐好問一首

呂大鵬一首

高永一首

曹用之一首

趙達夫二首

邢安國二首

張溫一首

馬舜卿一首

劉曹王豫七首

杜丞相充一首

虞令公仲文一首

張丞相孝純一首

張左相汝霖一首

劉右相長言一首

右相文獻公耶律履一首

張平章萬公一首

董右丞師中一首

孫太師鐸一首

梁叅政瑾一首

賈左丞益謙一首

丞相壽國高公汝勵一首

中州九

胥莘公鼎一首

張左丞行中一首

楊戶部愷二首

鄭內翰子聃一首

孟內翰宗獻六首

趙內翰摠一首

趙文學承元一首

張太保行簡三首

張內翰楫四首

閻治中長言八首

李治中著一首

擬相先生王中立六首

王先生予可七首

照了居士王或三首

無事道人董文甫七首

薛繼先四首

白先生賁

賁汴人自號決壽老自上世以來至其孫淵俱以經學顯

客有求觀予孝經傳者感而賦詩

古人文瑩理後人但工文文工理愈暗紙扎何紛紛君看六藝學夫葩吐
奇芬詩書分舛製禮樂造乾坤千岐更萬轍要以一理存如何臻至理當
從踐履論芟涉經險阻鑽研閱寒溫孝第作選鋒道德嚴中軍仰觀及俯
察萬象入見聞不勞施谷穀擊筆下生煙雲高以君唐虞下以覺斯民君如
不我鄙時來對爐熏

王內翰樞

樞字子慎良鄉人遼日登科仕國朝直史館

三河道中

十載歸來對故山山光依舊白雲閑不須更讀元通偈始信人間是夢閒

睡軒先生趙晦

晦字光道管城人宋末代州法曹秀容主簿汴京破後不復仕自號睡軒居士子洵子都大定二十年進士真定路總管判官孫綱三赴廷試以蔭補官終于永壽令曾孫居禮之讓今在燕中

暮春

壓枝梅子半青黃葉底殘紅雨褪香翠鈿舞風榆落葉綠鍼浮水稻抽秧酒濃猶覺春醒困睡美方便午夢長苦被啼鶯訴花老揮毫聊作送春忙

浚水王先生世賞

世賞字彥功汴人與尹無忌王逸賓趙文儒相周旋明昌中保舉才能德行賜出身釋褐鞏州教授終于鹿邑簿有浚水老人集傳于世

立春後十日登樓

今日登樓眼風煙倍覺新溪梅初破萼屋雪半融銀鴈外天逾碧鷗邊水

中州九

二

自春兒曹應見笑吟望獨傷神

春雪

只謂春天暖寧知雪霰飛龍蛇且深蟄花柳不勝威糝糝凌風細紛紛帶雨稀誰當問穹昊生殺果何機

探梅

候得南枝破玉腮心顏今日為君開細看苔蘚無行跡先賞應輸我獨來

稱善齋

官途馳逐只堪着何意須封萬戶侯平日少游真可念絕勝辛苦駐壺頭

南湖靖先生天民

天民字達卿滄陽人其父國初官原武因而家焉少日嘗兩魁鄉試自望者不碌碌所與交如龐才卿楊茂才劉之昂王逸賓皆一時名士晚年買田南湖葺亭園植竹樹以詩酒為事自號南湖老人年七十九卒子文燁德昭從孫頤子昂

西子放瓢圖

歸隱蕭颯葑蘿秋千古香溪水自流吳越兵爭竟何得風流輸與五湖舟

東臯桑先生之維

之維字之才恩州人蔡丞相伯堅之子婿也以樂府著稱有東臯集傳于世

白駿

白駿近年見十中三兩莖半因愁債出多爲病添成梳裏有時落緝餘還又生老知無可避何處是功名

步元舉

元舉閩中人

下弟過榆次

栖遑零落未歸人已坐無成更坐貧意氣敢論題柱客晨昏多負倚門親囊空漸覺錢餘賫衣敝翻饒虱滿身遙望秦關獨惆悵一天風雨落花春

馮文叔

文叔遼東人

客舍

禿襟袖褐破書囊十五年來客異鄉生事穿中搖虎尾窮途天上轉羊腸

中州九

三

三朝不遇馮唐老半夜悲歌竊戚狂獨倚牛車望遼海西風塵土鬢蒼蒼

張庭玉

庭玉字子榮易縣人能日賦百篇有集行于世

即事

烏鷺繞樹山梨熟胡蝶穿花木檀開赤脚城中借書去蒼頭原上負薪來

宗道

道字雲叟山陰人以足疾不仕有詩云家藏千卷富身得一生閑茅屋經年補柴門盡日閑其自處可見

寶嵩僧舍

寂寂鐘魚栢蒲軒午風輕颺煮茶煙西堂竟日無人到只許山人借榻眠

鮮于溥

溥字彥仁宋文臣子駿之後高祖淳淳之子孝標標之子壽吉壽吉之子坦皆擢進士弟而仕亦達彥仁坦之子以門資仕終于櫟陽令濟源盤谷天壤佳處坦父子居其間飲酒賦詩翛然塵垢之外至今人以高士目之弟彥魯子忠厚令居鄉里

魯村道中

小橋沙路已堪圖更着衰翁踽踽步
鷗盤平野黃榆落兔走橫岡白草枯
漸喜閑身遠朝市一年強半在村墟

春日做舊詩體

年老逢春莫等閑逢春能得幾回看
插花儘要花枝滿把酒休辭酒琖乾
好向酒邊留舞袖不妨花外駐吟鞍
聞身健在須行樂燕語鶯啼春又殘

早發

燈前夢斷家千里馬上詩成月一痕
晨粥未烹官路遠隔林煙火是漁村

史士舉

士舉字仲外榮澤人漢功臣弘肇之後
高祖所賜鐵券故在其大父官濟源
樂其山水因家焉父神山令激石瑯
榜進士仲外以蔭補官歷銅鞮三川
兩縣令初任京兆錄事以歲旱擅開
倉賑貧身往太一湫禱雨尋獲嘉
澍用是得名爲人雅重知義理褒衣
緩帶消搖山水間宛然一老書生也
貞祐之亂避于太行保聚失守老幼
皆出降仲外義不受辱投絕澗而死
年七十九孫庭玉字德秀令居山陽

中州九

四

超化

石根寒溜迸珠璣尋丈驚看雪浪飛
我是玉川煙水客數來盤礴亦忘歸

晉祠

小橋流水竹蕭森竹裏人家一徑深
只欠東風小籬落梅華踈淡月籠陰

王敏夫

敏夫五臺人作詩工於賦物甚爲趙宜之所稱
鴈門前輩中有許蛻子遷以武皇廟詩著名
又酒渴後四句云眼底恨無雲夢澤曾中疑
有沃焦山南窓花影三竿日指點銀瓶照
病顏有集傳河東往往稱此倪民望字具
瞻屏山所謂倪侯頭如筆其鋒不可當者
有種松詩云種松莫種柳種柳莫種松
堅脆非所計雅俗寧與同可是種松無隙地
却教憔悴柳陰中張韶九成寄湖州苟輔臣
云陳雷膠漆輕餘子楚漢風雲屬少年
李忠直柳賦雪云不將柳絮春風比
好作梨花月夜看至于蘇吉莘老李
黼翼冲霄與具瞻之子仲儀詩文多可傳
喪亂之後惜不能記憶之矣

同 東崑元先生論詩

林逋仙去幾年來年驚見梅花
羊二篇千歲冰霜松骨瘦
九秋風露鶴聲圓

鵬輝定出連城上得趣知從太古前邂逅茅齋話終夕只疑人世改桑田
李氏友雲樓

霧暮煙迷十二欄壺鶴招我一躋攀黃籬卷起湘川竹分得西州數點山

王利賓

利賓字茂實襄城人朴直純素作詩有古意似其為人然亦未嘗以示人也家與衛昌叔隣居而不相往來計平生所交唯不肖而已予一日過襄城知茂實病就卧內候之乃見壁間所黏五言古詩十數首竄改重疊往往可傳然後知茂實所以交予者特以詩故耳渠既不言予亦無從知之惜登時不勝寫今忘之矣

題扇頭

輕紗畫竹雀柄短不盈握暑氣正憑陵清風一何邀

孫益

益字德裕秀容人嘗從先大夫學詩

送張安中還雲中名傑雲中名士

相送送相送臨分手重分驂驢欣得路鴻鴈惜離羣木落黃華露城低紫

口州九

五

塞雲中秋月正好千里謾思君

郝先生天挺

天挺字晉卿陵川人家世儒素伯父子颺有詩名號東軒老人先生少日有賦聲早衰多疾厭於名場遂不復就舉貞祐之兵避于河南往來淇衛間為人有崖岸耿耿自信寧落薄而死終不一傍富兒之門年五十七卒於舞陽臨終浩歌自得不以死生為意其平生自處為可見矣好問十四五先人令陵川時從先生學舉業先生教之曰今人賦學以速售為功六經百氏分磔綴緝外或篇題句讀之不知幸而得之不免為庸人况一敗塗地者乎又曰讀書不為藝文選官不為利養唯通人能之又曰令世仕官多用貪墨敗官皆苦于飢凍不能自堅者耳男子生世不耐飢寒則雖小事不能成子試以吾言求之先生工于詩時命好問屬和或言令之子欲就科舉詩非所急將無徒費日力耶先生曰君自不知所以教之作詩正欲渠不為舉子耳子思温字和之孫經字伯常今居順天

送門生赴省闈

青出於藍青愈青小年場屋便馳聲未饒徐淑早求舉却笑陸機垂得名

嘆我再衰空眊驟喜君初筮已崢嶸此行占取鰲頭穩平地煙霄屬後生

孫邦傑

邦傑字伯英雄州容城人曾祖堅國初有功官至隴州刺史伯英少日住太學有時名所與游皆名士與定初知世將亂棄家為黃冠師

燒笋

煨茁舊聞山谷語勸耕還憶大蘇詩傳將火候無多訣留得天真又一奇未放錦襖開束縛已看玉版證茶毗白麻初拜驚燒尾見此應慚富貴癡

張璪

璪字君玉大名朝城人嘗作詩年已老而刻苦殊未減為人謹愿有禮見稱諸公閒卒年六十八子鑪鎮今居鄉里

送侯道士

十年走南北黃塵汗人衣翩翩夜啼鳥一枝無可依問君何所如鳧鷖東南飛恨我不得往失脚穿與機從君知不能一笑人間非何水無蒲魚何山無蕨薇終當拂衣去往叩雲山扉

徐好問

中州九

六

好問字裕之永寧人

龍門

疏鑿而來道路通行人萬古翠微中南山山寺題詩滿一字何曾到禹功

呂大鵬

大鵬字鵬舉密縣人自言宋名相申公之裔宣宗頻歲南伐鵬舉作詩欲以撼主兵者云綠掖無由挂鐵衣劍花生澁馬空肥燈前草就平南策一夜江神泣涕歸其以氣岸自許皆此類也

夏日北渡後作

旋移石枕拂藤床細洒槐陰趁晚涼大地噉噉困爐鼎老天不肯下殘陽

高永

永字信卿出于盤陽大族父元字善長教信卿作舉子讀書略通即棄之去為人不顧細謹有幽并豪俠之風賓客入門則盡家所有者為具不為明日計人以此愛之貞祐初避兵太原與李長源居于廣平寺有盜穴墻而入長源性恒怯聞騷聲不敢語盜盡挈信卿所有而去長源徐曰綠林之子至矣於是信卿生理大狼狽南渡居嵩州出入屏山之門其

遂進初名斐字舜卿又名樊屏山改焉真定王之奇士衡攻維學屏山目
為怪魁王從之內翰為賦善哭詩奉聖馬頰外公敢為大言著書十萬言
號北新子大略以談兵為主且曰古人兵法非不盡但未有北新子五十
里火兩耳信卿皆與之游故其詩豪宕詭怪不為法度所窘有冰柱雷車
風調觀咀龍篇及大雨後見寄可槩見矣正大壬辰病沒於京師年四十六

跋賈天升所藏段志寧山水

蒼壁雲氣湧長松風雨寒湍流壁山出玉虹飲溪灣曾中無雲夢筆底無
江山想見破墨初布袖蛟龍蟠壯觀駭心魄萬象本自閑寒齋靜相對遠
意空追攀

曹用之

用之歸德人幼有賦聲屢中甲乙詩亦有功嘗戲作鬼仙語云瀏瀏竹間
兩英英旆下燈相逢不相顧含淚過巴陵詩有本事中山楊正卿能道所
以然真人作鬼語也

憶舊

石鳥巡簷喚曉晴喚來和氣滿春城春風二十年前客煮酒青梅也後生

中州九

趙達夫

達夫太原人性嗜讀書而不事科舉南渡後居緱氏山中安貧守分故終
世窮悴壬辰之兵遇害

紅梅

西湖句好已成塵蠟點都能幾許春乞與瓊兒薄梳洗才情留待月中人

柳

楊柳攬春不耐秋十分憔悴儘風流水邊沙際風煙冷收拾殘陽合暮愁

邢安國

安國字仲祥沁州武鄉人少日有賦聲四十歲後即不應科舉以詩酒自
娛避亂客泌陽十餘年後北歸備極艱苦其見於詩者如此往時李長源
傳仲祥柳花一詩渠甚愛之今以丹崖集校之與傳者不同當是長源曾
與商略之耶

楊花

細點輕圓轉復飄隋家堤岸霸陵橋非綿非絮寒無用如雪如霜暖不消
狂惹客衣知有恨巧尋裊榻故相撩波痕回首浮萍滿依舊春風擺翠條

過唐州西李口

白沙翠竹溪上村漁家賣魚喚行人西風吹皺一溪水水光日影金鱗鱗

張溫

溫字元佐上黨人祖仲容字才翁宋末登科仕至屯田食外郎以好士名天下致仕後有詩云病身衰退謝明朝北洞閉眼晝寂寥十畝晚禾煙舟再一林脩竹兩瀟瀟黑花遮眼秋不落白雪撲頭春未消世事悠悠吾老矣一壺濁酒且逍遙至今爲鄉里所傳元佐泰和六年李演榜乙科登第詩樂府俱有名于時

感懷一首

彌月不出門出門沙漲東風昏老樹擺撼轟雷奔鬼物叫嘯山前村僑居客子驚心魂歸來遶屋尋蘭蓀蘭蓀落索靈苗鼠主人醉倒老瓦盆衣袖半帶淋漓痕芸芸蕭艾同歸根天生天殺何怨恩糟床與翁共清源絕勝被諶叫帝閭

馬舜卿

舜卿名有龍以字行宛平人先世遼大族有知興中府者故又號興中馬

中州九

氏祖大中國初登科節度全錦兩州父成誼字宜之張楫榜登科京兆路統軍司判官舜卿在太學有賦聲宣宗初人有告宗室從坦殺人從坦字復道一時賢將帥處猜嫌之地人以其必死而不敢言其冤舜卿以太學生上書大略謂從坦有將帥材方今人物無有出其右者臣一介書生無用於世願代從坦死留爲天子將兵書奏詔問汝與從坦交分厚耶舜卿對臣知有從坦而從坦未嘗識臣從坦寃人不敢言臣以死保之宣宗感悟赦從坦授舜卿東平錄事委行臺試驗宰相侯莘公與之語不契留數月罷歸將渡河與排岸官紛競筐中搜得軍馬糧料名數及利害事目疑其姦人之偵伺者繫歸德獄根勘適從坦至立命出之正大四年冬薄游鳳翔德順州將愛申以書招舜卿舜卿欲往鳳翔總管以敵兵勢甚張吾城可恃德順不可守勸勿往舜卿曰愛申平生未嘗識我一見爲知己我知德順不可守我往必死然以知己故不得不死也乃舉行囊什族父明之爲死別冒險而去既至不數日受圍城中義兵七八千而已州將假舜卿鳳翔總管判官守禦一以委之凡受攻百日食盡乃陷軍中募生致之不知所終時年五十三詔贈其官配食饗廟舜卿年少時過襄垣題詩

酒家殘醉氣縱橫時輩少有及者如云玉轡再過長安道人面依前似花
好殷勤勤我梨花春要看尊前五山倒他語類此

會州道中

山腰薄雪眩朝暎未放陽和入燒痕一片長安世情月梨花院落幾黃昏

諸相

劉曹王豫

豫字彥由阜城人仕宋知濟南府事汴京下立張邦昌為大楚皇帝宋滅
楚更立彥由國號齊建元阜昌八年廢為蜀王遷黃龍府改封曹有集十
卷行于世二子麟祝孫通海陵朝參知政事四世孫瑛今在太原

雜詩六首

竹塢人家瀕小溪數枝紅杏出疎籬門前山色帶煙重幽鳥一聲春日暹
風荷柄柄弄清香輕薄沙禽落又翔紅日轉西漁艇散一川山影暮天涼
古渡停驂日向沉凍涼歸思梗清吟碧山幾點塞天闊紅葉一林秋意深
倚嵩蕭寺據危崖文室軒窗面水開雪霽暮寒山月上數竿脩竹一枝梅
畫色明明着色圖山光凝翠接平湖煙嵐自古人難畫遠即深深近却無

中州九

九

寒林煙重暝樓鴉遠寺疎鐘送落霞無限嶺雲遮不斷數聲和月到山家

客館

雪消北嶺安排暖寒入東風阻節春絕塞亂山圍古驛化時說着也愁人

杜丞相芥

充字公美相州人仕宋知滄州歸國拜尚書右丞相領中山行臺以壽終

塵

汨汨勞生為爾忙只除不到白雲鄉步回洛浦生羅襪歌勸秦樓軟杏梁
閑摸衣襟迷遠望靜穿窻隙鎖斜陽帝城別有風流在葦路春風十里香

虞令公仲文

仲文字質夫世南之裔武州軍遠人仕為遼相歸朝授樞密使平章政事
封秦國公四歲作詩賦煎餅有魚目蟬聲之句人以神童目之

雪花四歲作

瑞英與玉葉片片落前池問着花來處東君也不知

張丞相孝純

孝純字永錫滕陽人宣和末知太原國兵圍守踰年人相食幾盡乃下朝

延其忠換相職後以相齊致仕汴京建行臺起為左丞相踰年得請歸鄉里二兄尚安徙鄉人為作三老圖堯謚安簡子公蔡字元石昌武軍節度副使致仕孫觀字彥國世為文章家曾孫厚之字茂弘承安二年進士中運使寄酒清明日到以詩謝之

芳樽到日恰清明似與嘉辰默計程擬助林園延勝賞肯容桃李落繁英老來官爵渾無味閑裏杯盤却有情見說使車臨岱麓僮能相過共隄航

張左相汝霖

汝霖字仲澤遼陽人家世貴顯父浩字浩然以門資仕揚歷中外遠外端揆進拜太師封南陽郡王五子仲澤平章政事華國公汝為字仲宣河北東路轉運使汝翼仕不達皆進士也汝方字仲賢自號丹華老人汝猷字仲謀俱至宣徽使父子兄弟各有詩傳于世王子端內翰太師之外孫其淵源有自云

春溪一首

黯黯春愁底處消小桃無語半含嬌東風不管前溪水暖綠溶溶拍畫橋

劉右相長言

中州九

十

長言字宣叔東平人宋相莘老之孫而學易先生斯立之猶子也父蹟年三十五終於儀真令工詩能文有南榮集傳東州今獨予家有之宣叔正隆宰相詩文能世其家今不復見矣

通叔以詩送古鏡為長言生日之壽次韻謝之

絲衣祿隱非臞仙猶有向來文字緣都城一別兩歲晚寄聲勞苦常相先人間始生俗禮重而我永感方類然遠憑詩句致奇物欲挽暮景迴冥淵規摹九十函大方古製不作菱花妍開奩拂拭愧陋質但喜虹氣浮晴天夫君又要心不遷期與鐻杖論清堅保身賴此孤月圓明年上印歸行田

右相文獻公耶律履

履字履道東丹王之七世孫學通易太玄至於陰陽歷數無不精究嘗以鄉賦一試有司以露索為恥遂不就舉蔭補國史掾興陵朝累遷蘄州刺史入翰林為修撰歷直學士待制禮部尚書特賜孟宗獻榜進士弟俄預淄王定冊功拜叅知政事明昌元年進右丞薨年六十一興陵嘗問宋名臣孰為優履道以蘇端明軾對上曰吾聞軾與王誥交甚歎至作歌曲戲及如侍非禮之甚尚何足道耶履道進曰小說傳聞未必可信就使有之

戲笑之間亦何得深責世徒知賦之詩文人不可及臣觀其論天下事實
經濟之良才求之古人陸贄而下未見其比陛下無信小說傳聞而忽賢
臣之言明日錄載奏議上之詔國子監刊行自號忘言居士有集傳于世
三子辨才武廟署令善才工部尚書楚才中書令四孫鈞鉉鏞鏞

史院從事曰感懷

不學知章乞鑑湖不隨老阮醉青壚試從麟閣諸賢問肯屑蘭臺小史無
一戰得侯輸妄耐長身奉粟媿侏儒禁城鍾定燈花落坐拊塵編惜壯圖

張平章萬公

萬公字良輔東阿人正隆二年進士仕長山令有惠政人為立祠入為右
司員外郎太師潘王愛之許以宰相器明昌初累遷御史中丞以言事忤
旨除彰國軍節度使召為大興尹拜參知政事以母老丐歸養出判東平
河中濟南丁內艱起復擢平章政事封壽國公為相知大體有敦厯者艾
之目既致政而眷顧未衰復起判濟南安撫山東便宜行事未幾得請薨
於家謚文貞繪像衍慶宮配享章宗廟廷

戊戌二月中旬登稷山清榭

口占

十一

問因推案朝還暮危坐不知春淺深今日簷間看風色一株紅杏暗驚心

董右丞師中

師中字紹祖邯鄲人後徙汝州皇統九年進士承安中入政府直道自立
而以通材齊之泰和初元妃李氏方寵幸兒為宣徽使有楊國忠之
權一日德州教授田庭方上書言事云大臣持祿近臣怙寵此言路之所
以塞也道陵顧謂紹祖言大臣持祿當謂公等近臣怙寵者為誰時喜兒
侍立殿上紹祖倒笏指之曰莫非謂李喜兒之屬否上領之紹祖嘗言作
宰相不難但一心正兩眼明足矣少日以談諧得名及在相位亦未嘗廢
談笑然不害其為國朝名相也俄致政賜第京師後三年薨有燕賜邊部
詩傳於世紹祖師王內翰彥潛而與之同榜登科彥潛沒後待其子恩禮
般重不減骨肉論者謂孫鐸振之事其兄明之張毅伯英愛其弟伯玉舉
世無與為比至於紹祖之待其師之子則古所未有也漳川集傳于家

自臨洮還

臨潭仍是漢家城漢家城在臨潭人稱積石相望十驛程西略河源東並海此身
何地不經行細相之孫齊國記此詩末句又作塵埃風雨嘆勞生

孫太師鐸

鐸字振之恩州人大定十三年進士明昌中擢戶部尚書時已有相望及考滿以戶曹繁重且未有可代者特旨進一官再任而同列二人俱以入相矣振之賀席中戲舉青州老栢院布衣張在詩云南隣北里牡丹開公子王孫去不回惟有庭前老栢樹春風來似不曾來爲御史所劾降授同知河南府事有以詩送之者云想到洛陽春正好南隣北里牡丹開聞者皆大笑振之後入政府遷尚書右丞薨贈太子太師作詩甚多其賦玉簪有披拂秋風如有待裴回涼月更多情之句甚爲詩家所稱

癸亥清明日

憐然一室暗塵凝兀兀端如打坐僧習氣未除私自笑短檠還對讀書燈

梁參政瑾

瑾字國寶別字瑩中范陽人大定十六年進士歷州縣稍遷警巡使治尚嚴肅權貴斂迹朝廷知其才累試繁劇由中都路轉運使拜戶部尚書俄參知政事資方正敢言大事北兵動立和議人有笑其懦者卒如其言未幾薨于位虎賁叱曰梁瑾在族矣其爲人可知

中州九

十一

留題長平驛

秦趙均爲失霸圖起何殘忍括何愚殺降未見無禍者累將其能有種乎日暮悲風噴丹水夜深寒月照頭顱山名快心千載杜郵劍人所誅耶鬼所誅

賈左丞益謙

益謙字亨甫本名守謙避哀宗諱改焉宣宗朝參知政事出知濟南移鎮河中南渡後召拜左丞尋致仕居鄭州哀宗即位史官乞因宣廟實錄遂及衛紹王初虎賊既弒逆乃立宣宗宣宗之人至謂衛王失道天命絕之虎實無罪且於主上有推戴之功獨張信甫上章言虎賊大逆不道當用宋文帝誅傅亮徐羨之故事章奏不報爾後舉朝以大安崇慶之事爲諱及是謂亨甫大安中嘗拜御史中丞宜知衛王事乃差編修官一人就訪之亨甫知其言謂來者言知衛王莫如我然我聞海陵被弒而世宗皇帝立大定三十年禁近能暴海陵蠶惡者得美仕史官修實錄誣其淫毒狼警道真無窮自今觀之百可一信耶衛王勤儉慎惜名器較其行事中材不能及者多矣吾知此而已設欲飾吾言以實其罪吾亦何惜餘年朝議

傳之正大三年年八十薨子賢卿順卿均卿皆以門資仕今一孫仲明在東平

贈答史院從事

見說才名自妙年多軼政府舊妨賢物華天寶無今古鳳閣鸞臺後先鄭圃道尊何敢望濟南書在子當傳莫言老眼昏花滿及見風鵬上九天丞相壽國高公汝礪

汝礪字崑甫應州金城人大定中進士揚歷中外居戶曹三司為最久相宣宗十年小心畏慎夙夜匪懈篤于古人造膝諛辭之義謀謨固密人莫得而聞元光末宣宗上仙公亦薨于位君臣之契義均同體者於斯見之平生嗜讀書南渡之後機務倥傯未嘗一日廢書不觀臨終留詩有寄謝東門千樹柳安排青眼送行人之句時年七十一謚 配享宣宗廟庭至今士論謂公才量渾厚足為守成之良相恨所遭不時耳

兩後

時兩雨三日田家家萬金有年天子慶憂國老臣心

胥莘公鼎

中州 九

一三

鼎字和之代州繁峙人父持國大定中為太子司職有功母后家章宗即位擢拜尚書右丞和之大定二十八年進士至寧初都城受兵由戶部尚書叅知政事宣宗即位除泰定軍節度使不赴改判大興貞祐二年拜尚書右丞車駕南渡出為汾陽軍節度使移知平陽權河東南路宣撫使四年授樞密副使權右丞兼職如故五年正月朝京師進平章政事封莘國公行臺閣中未幾兼左副元帥明年以溫國公致政進封英行臺衛州以病薨於位雷希顏為作神道碑云黃霸為良吏稱首及為丞相與張敞論列功名大減王允當漢祀之表計誅董卓近古社稷臣然不赦涼州人旋致催汜之禍蕭俛之清介崔植之論議皆足為唐名臣而俛議銷兵植餓朱克融董不昇一官遂再亂河朔彼或量不足或才略有所窮權不足以濟事智不足以知時故也以姚崇之賢惟其不知道未免為揀時之相其他可知也國家有通明相曰英國胥公尚兼數公之長予謂希顏此論似涉過差至于為國朝名相以度量雄天下則在公為無媿矣在長安日乞致仕表云興造功業方聖主有為之時表裏山河豈愚臣養病之地送身有之云世事正須高着眼官途休厭少低頭他文類此弟恒常之子嗣祖

今在燕中

送弟恒作州

男子四方志人生五馬榮君恩何以報民政不宜輕御物當存恕存心要盡誠勿矜新號令姑守舊章程歛暴單貧困因淹狡偽萌慈柔難禁暴苛急必傷生東郡吾將老西陲敵未平一生能幾別四事果難并方此對床樂愴然分袂驚荒詩何足記聊寫弟兄情

張左丞行中

行中字信甫莒州日照人祖莘鎮西軍節度副使父暉御史大夫以武安軍節度致仕兄行簡弟無禮榜第一人信甫大定二十八年進士衛紹王朝虎賊已除名爲民賂遺權貴得復用信甫言其必反及弒逆自爲太師尚書令澤王信甫時爲禮部尚書人謂必爲所殺甚危之一日虎下禮部鑄監國寶信甫持不可虎雖怒然亦竟不能殺也宣宗即位授叅知政事丞相高琪專權用事聲勢熾灼人莫敢仰視議論之際唯信甫與之抗朝廷播焉所居拙軒有爲作銘者其引云發凶豎未形之謀則先識者以爲明犯強臣不測之威則疾惡者以爲剛蓋實錄云元光末出爲靜難軍節

中州九

八十四

度使哀宗即位首命召之遷尚書左丞後二年致政卒於崧山之崇福宮信甫家世儒素雖位宰相而奉養如寒士日書經史五百字爲課寒暑不廢者四五十年故於書無所不讀詩殊有古意也

右丞文獻公所畫張果像

古來人物畫爲難驚見仙公樹石間莫把丹青名右相太平勲業在人寰

揚戶部愷

愷字叔玉代州五臺人承安五年進士歷州縣入爲尚書省令史拜監察御史侍御史京西大農司丞京南司農卿戶部侍郎權尚書自入戶曹即有相望資雅重事無巨細處之皆有法至於知朝廷大體則又非他人所能及也京城受兵權叅知政事明年卒於河平叔玉文工於詩而人不能文稱特未見其文耳

過司竹監有懷王監正之

不見崧丘跨鶴仙才名留得萬人傳春郊清酒傷今日夜雨論文記昔年牽樹謾懸公子劍高山已絕伯牙絃故居脩竹青青在寂寞終南落照邊

乾陵

北雞一啄血波流天下何緣不姓周今日阿婆心力盡乾陵秃似老僧頭
狀元 鄭內翰子琳

子琳字景純大定人少日有賦聲時輩莫與為敵天德三年弟三人登科
士論仍以為屈而海陵不之許也正隆二年詔景純再試擇能賦者八人
先以題付之以困景純且將視其中與否罪賞之海陵謂侍臣漢高祖
不遇之可乎及開卷景純果第一人揚伯仁張汝霖中選劉幾基馮李師
顏輩皆被黜海陵終不以景純為工與被黜者兩罷之趙獻之賀啓云丹
桂一枝不失舊物青錢萬選無媿古人其為名流所稱道如此累官吏部
侍郎改侍講學士卒其賦餘醪有玉斧無人解修月珠裙有意欲留仙之
句甚為詩家所稱

即事

一錢不直程衛尉五斗解醒劉伯倫讀罷離騷解衣卧門前花柳自爭春

孟內翰宗獻

宗獻字友之開封人大定三年鄉府省御四試皆第一供奉翰林曹王府
文學兼記室參軍以疾尋醫父之授同知單州軍州事丁母憂哀毀致卒

人口川九

天一五

劉無黨題其詩卷後云簪紱忘情累山林閱歲陰選官堂印手說法老婆
心友之深路嗟前却人生變古今公乎真不死名姓汁之南相人孔嗣訓
挽云二十年閒事才名一夢新衰羸驚喪母哀毀竟亡身魂返愁楓夜情
留淚草春黃公酒壚在此去只悲辛汴人高公振特夫云見說平生夢前
途盡目前友之未乘除雖有數凶禍竟何緣禮樂三千字
才名二十年仁人遽如許無路問蒼天又云誰謂詩成識清冰果自焚友
謂詩因知初文終無盡語人嗟埋玉樹天為落文星友之合李生言
謂于反之所數詩雖不盡工姑并記之有以見先生於出處之際死生之
變造物者皆使之前知其以天下重名界之者為不偶然云

龔平甫森玉軒

古人借宅亦種竹大是饕奇心未足高齋聞有萬琅玕坐對懷山飲秋綠
官閑勝日無一事尊酒不空仍有肉他時剥啄叩君門高枕矮床容我宿
舊畜一琴弃置者久之李君仲通為張絃料理仍鼓數曲以詩
贈之

我家箏奴愛樂同塵埃滿面鬢髮蓬散絃不具挂墻壁以斬絃以娛衰翁

夫君一見爲披拂坐使寒谷回春融中含太古意味足雜以新態來無窮
繁聲流水不可喻直與造化相冥通形神久已坐灰槁一旦決別驅音聳
寂然反聽杳難詰但覺萬發俱玲瓏千金不得和扁力誰謂起廢由枯桐
曲終玄旨竟誰會非絃非指仍非空拂衣欲往君且止爲我乘興彈悲風

張仲山枝策

達人孤高與山踈百年直寄猶須臾歸來掩閤聊自如人之不足等有餘
樂哉下視濠梁魚逍遙白契莊蒙書異時馭氣游太虛我知枝策亦遽廬

柳塘

搖搖風影漾寒塘靜裏直直日月長不似隋家堤岸上亂鴉殘照管興亡

蘇門花塢

繞舍雲山慰眼新看花差後洛陽塵從君小築繁香塢不負長腰玉粒春

閏月九日

南崖烘暖貯秋光勝處相公爵一觴俚諺難逢兩寒食閏餘今值小重陽
頭風比似常年愈菊面渾如去歲黃老矣歡遊定能幾佳時此樂最難忘

趙內翰摠

合州九

八 一六

摠字子充宛平人自號醉全老人

早赴北宮

蒼龍雙闕鬱層雲湖水鱗鱗柳色新絕似江行看清曉不知身是赴朝人

趙文學承元

承元字善長先世汴人兵火開寓旅河間遂占籍焉大定十三年詞賦第
一人除應奉翰林文字兼曹王府文學以踈俊少檢得罪王府貶廢久之
遇赦量敘卒於臨洮

探春

冰底流泉匹練飛翹塵着柳不禁吹杖藜恰到春生處已有人家插酒旗

張太保行簡

行簡字敬甫大定十九年詞賦第一人家世儒臣備於禮文之學典貢舉
三十年門生徧天下南渡後遷禮部尚書太子太保翰林學士承旨薨謚
文正揚內翰之美銘其墓稱敬甫天性孝友太夫人疾不解衣者數月居
喪哀毀過禮事其父御史大夫自幼至終未嘗少違顏色與諸弟居三十
餘年家門肅睦人無閒言率勵子弟不知爲驕侈雖處富貴與素士無異

平生無泛交無私謁慎勤周密動循禮法居無息容口無佞言身無徑行
雖古君子無以加故天下言家法者唯張氏為第一言禮學言文章言德
行之純備者亦唯張氏之歸有集三十卷傳於家謝道韞云王女也
謝道韞謝道韞事風花雪月關中城中秋云露
多也

六月二十九日北宮朝回

疎柳衰荷又一時清波飛葉夢靈芝年年踏盡波邊路不覺吳霜點鬢絲

酬郭光秀才

嘗昔君來事已曠豈知今我又羈柙波臣儻不辨外斗鷓如終當遇魯雞

題子端雪溪小隱圖

出處皆天豈自由仙標終合冠鰲頭不妨貌取黃華景時向鈴齋作卧游

張內翰撤

檄字巨濟先世秦州長春人有官於山陰者遂占籍焉曾祖頤宗銀青榮
祿大夫祖惠懷遠大將軍父天白號縣簿巨濟明昌五年詞賦第一人仕
至鎮戎州刺史為人有蘊藉善談論文賦詩筆截然有律度時人甚愛重
之陝州詩云駭浪奔生馬荒山卧病晚求寧劉氏園亭云菊老芙蓉衰紫

中州九

一七

柿葉爭綠叩門人不應一犬吠深巷此類甚多

秋興

飄零千里道牢落半生愁殘月如新月今秋似去秋露濃花氣重風細竹
聲幽何日清溪上煙蓑一釣舟

客中

絳脣花不語青眼柳初眠塵去尋芳馬香來載酒船歸期仍雁後野興已
鷗邊惆悵無家客春風又一年

蓮實

水妃擎出紺珠囊玉笋彫繁喜乍嘗膚白已攪新藕嫩心青猶帶小荷香
闌餘翠鳥零珎羽飛盡蒼峰露窸窣房口腹累人良可笑此身便欲老江鄉

初夏

小園綠笋閒朱櫻點綴年華似有情露泥葛巾晨氣潤風隨竹簟晚涼生
閑窺點鼠潛身處靜厭飛蚊透鬢聲安得冷泉幽石畔解衣盤礴掛陰清

閩治中長言

長言字子秀濟南長清人客居兗州之滋陽祖俊行臺南陽父時昇任忠

洪榜曾高以來登科者六世矣子秀少日慕張忠定之為人故名詠避衛紹王諱改焉幼孤養於從祖能自振厲好學二詞賦間有前人句法性本豪俊使酒任氣及游京師乃更折節遂以謹厚見稱酒酣耳熱故態稍出嘗以弟一流自負屏山獨深知之不以為過也平生多奇夢果魁天下士論厭服在翰苑十年出為河南府治中被召以道梗不得前卒於亳州子魯瞻魯安令一孫在洛州

北齊行

天保大人襲世貴未待齊成已無魏識裏方傳近水羊夢中先兆攻城媚六君三世都能幾二十八年翻手裏細思孝靜靈運詩天道好還非妄矣

應制中秋

璧月當秋夜未闌漢宮高會決宸歡塊蘇塵世三千界珠翠瑤光十二欄桂實飄香浮壽斝露華零潤溢仙漿都人側聽雲韶奏共指天家是廣寒婆速道中書事

此地先經戰人生苦未聊泉源疏地脉田壠上山晉敗石平危徑枯柴補短橋曉煙明遠爨暮雪暗歸樵履滑心頓悸梯危骨欲銷解鞍空倒卧無

口州九

夢訖通宵

送麗酒麗橙與秀實御史

駘馬朝回畫閣深遙知春意領梅心麗橙嬌軟麗尊小聊助風流對茂斟

閩立本職貢圖

詩諱昌周此一書形容葵真寫成圖罕知右相無深意其指丹青便厚誣

盤山招隱圖

畫出中盤望隱歸鳴珂朝馬尚遲遲賦詩未敢輕相請却恐吾山也勒移

三門集津圖

津門未為天下險勿作駭相觀效圖偃月堂中李林甫有人能寫此心無

丁氏思祖亭

鶴野三千里鳧函五百年人間仍舊德龜茲得新阡族屬東州望衣冠鼻祖傳異時誰式墓應識子孫賢

李治中著

著字彥明真定人高才博學詩文得前人體工於字畫頗尚玄言承安二年經義第一人在翰林七年出副定州召為戶部員外郎坐大中黨事謫

臨兆府判官量移西京路按察司判官遷彰德府治中城再陷避于塔上
兵人招降大罵不從掘塔倒而死

觀音院書閣

門巷蓬蒿一尺深小軒岑寂似山林鳥聲落枕有高下山色闌人無古今
客裏三年侵老境床頭一易浣塵襟晚涼癡坐忘言裏滿地西風白玉簪

吳人 擬相先生王中立

中立字湯臣岢嵐人博學強記問無不知少日治易有聲場屋開家蒙於
財賓客日滿門所以待之者備極豐腆其自奉則日食淡湯餅一杯而已
年四十喪妻遂不更娶亦不就舉選齋居一室枯淡如衲僧如是三四年
乃出時人覺其談吐高闊詩筆字畫皆超絕若有物附之者問之不言也
閑閑趙公知平定先生往謁之與之詩云野語閑閑傲浪仙枉將詩酒汚
天全黃塵遮斷來時路不到蓬山五百年因言唐世士大夫五百人皆仙
人謫降中有為世味所著迷而不反者如公與我皆是也一日來都下館
於閑閑公家中秋夜飲酒賦詩且就公索墨水一槃公如言與之明旦不
告而去壁間留龜鶴二字廣長一文而墨水具在不知以何物書之也朝

中州九

十九

士來觀者車馬填咽都下競傳王先生仙去矣久之先生從外至問二字
以何物書之不荅題詩其旁云天地之間一古儒醒來不記醉中書旁人
錯比神仙字只恐神仙字不如先生平生詩甚多有醉袖舞燵天地窄詩
情狂壓海山平之句他亦稱此人有問世外事者亦一二言之好作聲氣
大字往往瞑目為之筆意縱放勢若飛動閑閑公甚愛之屏山嘗見先生
商略前代人物引先儒論議數十條在目前如人人自相詰難然後以已
意斷之以為辨博中第一流人也臨終預尅死期如言而逝州將石倫葬
之忻州時年五十六予嘗從先生學問作詩究竟當如何先生舉秦少游
春兩詩云有情芍藥含春淚無力薔薇卧晚枝此詩非不工若以退之芭
蕉葉大施子肥之句校之則春兩為婦人語矣破却工夫何至學婦人先
生晚年易名雲鶴自號擬相云

中秋

素丸東溟來飛上玻璃盆聊揮五輪手撥去萬里陰印透山河影照開天
地心人世有昏曉我未嘗古今明劫轉轉五輪盡

雜詩四首

華山宮殿白雲封不見當年打睡翁
食看終南山色好不知紅日下前峯
獨跨蒼虬下太清春風萬里月華明
因君感激為君說擊磬破夫機我也驚
雲葉紛紛嫩碧空笙簧迎響入天風
忽驚風浪耳邊急不覺形神來世中
此生休更問浮名名利區區不暫停
我有一丸天上藥用時還解濟蒼生

題裕之樂府後

常恨小山無後身元郎樂府更清新
紅裙婢子那能曉送與凌煙閣上人

王先生予可

予可字南雲吉州人父本軍校南雲亦嘗隸籍年三十許大病後忽發狂
久之能把筆作詩文及說世外恍惚事南渡後居上蔡遂平郟城之間在
郟城為最久遇文士則稱大成將軍於佛前則諦摩龍什於道則騶天玄
俊於貴游則威錦堂主人為人軀幹雄偉兒亦奇古戴青葛巾項後垂雙
帶狀若牛耳一金鑲環在項額之間兩頰以青涅之指為翠曆衣長不能
掩脛故時人有哨腿王之目落魄嗜酒每入城市人爭以酒食遺之夜宿
土室中夏月或尸穢在旁蛆虫狼藉不卹也人與之帑落帑數百言或詩
或文散漫碎雜無句讀無首尾多六經中語及韻學家古文奇字字畫峭

中州九

二

勁遇宋諱亦時避之人或問以故事其應如響諸所引書皆世所未見談
說之際稍若有條貫則又以誕幻語亂之麻知幾張伯玉與之游最狎說
其所詩以百分為率可曉者才二三耳題崧山石涼云石裂雲華漬月秋
蓋石涼之石皆狀若湖玉其高有五六尺者石之文如虫蝕木如太古
篆籀奇峭秀潤一一在潭水中親到其處知詩為工也蔡州北懸壺觀仙
榆云壺樹苔波月清斂醉後云一壺天地醒眠小宮體云萬疊雲山飛小
鴈射虎首句云風色偃貂裘即閣筆自戲云此虎來矣樂府云唾尖絨舌
淡紅甜又自戲云欲下犁舌獄耶和太白宫詞云金盆水不暖翠雀啄晴
苔又云鳳蹴瑤華散龍銜桂子香西瓜云一片冷截潭底月六鸞斜卷隴
頭雲烹茶云簾捲綠陰花外月玉山冰雪醉扶翁凌霄花云帝鳥倒銜金
羽舞驚蛇斜傍玉簾飛威錦堂樂府云鳳環捧席帶香屏鯨杯倚伎和雲
捲懶疑此類尚多人亦多贈南雲詩者李子遷云石鼎夜聯詩筆健布囊
春醉酒錢鹿真南雲傳神詩也壬辰兵亂為順天軍將領所得知其名籍
議欲挈之北歸館於州之瑞雲觀南雲明日見將領自言云我不能住君
家瑞雲觀也不數日病卒後復有見之淮上者

宮詞

水曲朱門漸漾漫一簾花兩月波寒金闥背潮鴛鴦冷春困秋千立畫干

南園湖石

翠雀銜雲隋上燕燕砥峰倒影卧平湖飛花不到穿簾月高倚晴天一劍孤

馴鶴圖

伯玉請賦詩敘叔常嘗其作詩多不用韻限以敘末嘗三馴

寢處粧鉉未捲釵孤雲花帶月邊來六宮簾幕金鑰冷露濕晨煙啄翠苔

雜詩二首

白露沙灘浸綠湄小舟橫岸尚依希山回屏曲江連樹春鎖人家深處歸
暗悲秋色素團團一兩飄零颯霽寒天淨長空煙斂處彩虹金挂樹頭山

宮體二首

紅葉鋪霜掖御階繡蓮塵蹴視羅鞋袖沾鴛翅調簧語墮却銜翹入鬢釵
駘馬金籠藉草歸翠鸞屏曲染紅霏凭欄山色春風裏喚得鸞兒燕子飛

照了居士王或

或字子文洛州人承安中進士資剛決不可犯為尚書省掾知管差除與
郎官相可否即弃官去往來登封盧氏山中改名知非字無咎自號照了

口刑九

王工

居士居山中二十年布衣蔬食并曰自親時人哀苦之而知非處之自若

也少日為文工於四六詩亦有功和二年花論四首云曾規分

木石無情亦自傷人未出關頭回首空悲若初茶若草博

為夢遊雲雨夜餘傷影淨空只自傷眼心死若未能忘香情知不

合布空曾照夜餘傷影淨空只自傷眼心死若未能忘香情知不

而路香却憶那堪浪辛苦一生都帶幾難空餘既學佛作決定歌禪家以

為證道新書之後無有及者初出京有詩云親疎俱穩人偷了婚嫁齊成

俗意周一筆盡鉤塵債斷都無虧欠大家休休休愛著何時是徹頭風

息浪平人已渡笑携明月下孤舟崧山中云撒手寧論萬丈崖脚跟未肯

點塵埃東君也自魔君數故着青紅眼底來來何遲夫何早二五不多十

不少一聲柄木徧虛空誰識堂堂真照了又贈安居士國寶云不招措大

噴不喚王子文不惹神和笑不名王照了他人怕人嫌照了要人嫌人人

有面樹有皮努力方便勤粧嚴粒嚴也田賢不然也由賢鼻孔莫遣他

人穿又答國寶云幻人誰拙復誰能將戲何妨傀儡棚凡事不堪君莫怪

儂家面目得人憎又云忽然識破虛空我六合縱橫更有誰正大壬辰參

畫眼

莊周光我復天真化蝶飛來管領春我亦莊周周亦蝶不知若箇是真身
審是堂

按劍人人駭夜光蜀鷄合道勝鸞鳳飛蛾可是無分別直道油燈是太陽

文中子續經

紛紛述作史才雄聽似秋來百草蟲不是春雷轟蟻窟蛇會得化成龍
并詳以王氏六經為周先生云王氏六經見道說
後雖孔子亦然但後人不能知之耳因此詩見示

臨終詩四首

無情喪主沒錢僧送上城南無事人按盡傳燈無盡錄更無公案懸番新
生有地死有處萬牛不能移一步一輪明月印天心此是深懷住處住

白髮三千丈紅塵六十年只今無見在虛費草鞋錢

今古一輪月分明印碧霄月門明蟾影到處處處桂香飄不起眼中量何勞指

上標真空渾照破歸去杖頭挑

薛繼先

繼先字曼卿猗氏人少日三赴廷試南渡後隱居洛西山中課童子學事

合州九

二十三

母孝與人交謙遜和雅所居人化之子純孝字方叔有父風客有詐為曼
卿書就方叔取物者曼卿年已老狀兒如少壯人客不知其為曼卿而以
為方叔也而與之書曼卿如書所取物付之雖其家人亦不以語之也監
察御史石玠子堅行部過曼卿曼卿避不之見或言君何無鄉曲情耶曼
卿曰若未之思耳凡今時政未必皆善石御史一有所劾則必謂自我發
之同惡相庇他日并鄰里有受禍者其畏慎類此正大末司農卿楊慥叔
玉丞康錫伯祿薦曼卿與汴人高仲振武陟宋可武清張潛磁陽曹廷大
名王汝梅隱操不減古人朝廷議授以官以兵亂不果曼卿喜作詩工于
賦物如松化石云瘦見千年傲霜骨鍊成一片補天心時人稱焉壬辰之
亂病沒於宜陽仲振字正之系出遼東其兄領開封鎮兵正之幼就舉選
年四十後即以家業付其兄娶妻子居嵩山於書無不讀而以易皇極書
為業安貧樂道不入城市山野小人亦知敬之王汝梅張潛從之舉三人
行山谷間人望正之風袖翩然如欲仙而未舉也張王談正之嘗遇異人
教之養生呼吸吐納日以為常靈氣時至安坐不動而骨節屢屢有聲既
隱中時與真靈接對所談皆世外事既不以語人故無得而傳者字仲

有志節慕荆軻聶政之為人三十歲後乃折節讀書太學諸人高其行義
有張古人之目客松山從正之學易五十歲始娶妻魯山孫氏亦有賢
行夫婦相敬如賓負薪拾穗行歌自得大用與之同業而生理優贍於高
張之貧時有餽餉皆謝不受鄰里為仲外斷山田瓜熟仲外約中分之以
償其勤眾不忍但小摘而去仲外亦弃瓜不收眾如約然後取食之嘗行
道中拾得一斧夫婦計度移時乃持歸就訪其主歸之所居寺莊有兄弟
分財致諍者其弟指仲外所居曰我家如此獨不畏張先生笑人耶天興
之兵避於少室絕頂時世已亂寇效暴橫無復人理仲外不甘與之處閉
口不食七日而死婦隨亦投絕澗中汝梅字大用律學出身伊陽簿秩滿
遂不出性嗜讀書動有禮法生徒以法理就學者兼以經學授之後生輩
服其教無敢為非義者可字予之貞祐之兵其姑嫁大姓某氏夫與子皆
兵死而遺產獨在姑以白金五十笏遺予之子之受不辭一日姑得某之
疎屬立為後挈之省外家予之置酒會鄉鄰且謂姑言姑往時遺可以金
可以某氏無子故受之姑今有子矣此金某氏物非姑物也我何名取之
因呼妻子昇金出歸之某氏鄉里用是重之大兵再駐山陽軍中有聞予

卷之九

之之名者問知所在質其子使人招之曰肯從我者禍福與公共之不然
公之子死矣親舊競勸之往予之不從曰吾有子無子與吾兒之死與生
皆有命焉豈以一子故併平生所守者而亡之乎其後予之竟以無子死
廷字子玉早歲有賦聲誠嘗樂易世俗機械事皆所不知喜賓客款於接
物無書生氣習從之游者樂之而不厭也六人者喪亂後惟子玉居弘州
十二年乃終

九日感懷

曼卿

衰年易感我今知無訝騷人動楚悲故國久拋兵劫後佳辰多召菊華期
一時蘭艾同周落兩鬢雪霜仍別離高世輸他陶靖節悠然高興滿東籬

過洛陽

予之

西來東去洛陽城千尺浮圖了送迎十日酒旗歌板地白頭孤客可伶生

寄人宰縣

仲外

縣務無難易人才自異同割雞良莠更屈製錦要專工積弊茲難後遺藜喘
汗中不存憂世志底用讀書功嫉惡看平日知君有古風莫教循吏傳獨
數曾山翁

白髮感懷

子五

少年豪舉氣如虹今日蕭然一病翁
曉鏡祇添頭上雪春風不綠鬢邊蓬
文章那作一錢直燈火空勞半世功
擬築糟丘便歸老醉鄉何者是窮通

中州壬集卷終

中州九

二十五

中州壬集卷終

文章那作一錢直燈火空勞半世功
擬築糟丘便歸老醉鄉何者是窮通

白髮感懷

子五

